

S
A
N
G
Z
I
Q
I
N
G
S
I

浮梁政协文史资料
FULIANG ZHENGXIE WENSHI ZILIAO



桑梓情思

歌咏浮梁诗词选

范希贤 韩晓光◎著

百花洲文艺出版社
BAIHUAZHOU LITERATURE AND ART PRESS

桑梓情思

歌咏浮梁诗词选

范希贤 韩晓光◎著



百花洲文艺出版社

BAIHUAZHOU LITERATURE AND ART PRESS

图书在版编目 (CIP) 数据

桑梓情思：歌咏浮梁诗词选 / 范希贤, 韩晓光著. — 南昌：
百花洲文艺出版社, 2022.12
ISBN 978-7-5500-2137-2

I. ①桑… II. ①范… ②韩… III. ①诗词—作品集—中国—当代
IV. ①I227

中国版本图书馆CIP数据核字 (2022) 第213505号

桑梓情思：歌咏浮梁诗词选

SANGZI QINGSI:GEYONG FULIANG SHICIXUAN

范希贤 韩晓光 著

出版人	章华荣
责任编辑	余丽丽
书籍设计	张诗思
制作	何丹
出版发行	百花洲文艺出版社
社址	南昌市红谷滩区世贸路898号博能中心一期A座20楼
邮编	330038
经销	全国新华书店
印刷	江西千叶彩印有限公司
开本	850mm × 1168mm 1/16 印张 12.25
版次	2022年12月第1版
印次	2022年12月第1次印刷
字数	20千字
书号	ISBN 978-7-5500-2137-2
定价	52.00元

赣版权登字 05-2022-231

版权所有，盗版必究

邮购联系 0791-86895108

网址 <http://www.bhzw.com>

图书若有印装错误，影响阅读，可向承印厂联系调换。



序

一

拳拳赤子心

殷殷桑梓情

◎ 程新宇

浮梁，瓷都之源、名茶之乡，是一个底蕴深厚、特色鲜明的千年古县。古往今来，无数文人墨客为她留下众多脍炙人口的诗篇，如“山里江城树里村，人家花里筑花樊。四时花向楼头见，行到花边香隔门”（〔清〕郑凤仪《浮梁竹枝词》），“风景悠悠缅古初，村村杉竹护精庐。篮舆悄向门前过，十户人家九读书”（〔清〕凌汝绵《昌江杂咏》），“金风送爽碧天高，赣北秋光分外娇。长忆浮梁风景好，赤栏杆外柳千条”（丰子恺《参观景德镇》），等等。这些佳作是浮梁人文的积淀，是浮梁生态的积淀，更是浮梁乡土情怀的积淀。

近日，我有幸品读学习了范希贤和韩晓光二位同志赠我合著的诗词集《桑梓情思》。诗词集中，二位作者对浮梁山水、浮梁文化、浮梁人民的热爱之情跃然纸上。他们捧着一颗拳拳赤子之心，带着殷殷桑梓之情向我们走来。

范希贤同志是生于斯、长于斯的浮梁人，回乡务过农，当过乡村小学教师，担任多年区乡主要领导，参与过浮梁复县筹建领导工作，并担任县委副书记、人大常委会主任，对浮梁的山水、县情、民风民俗如数家珍，有着深厚的感情。韩晓光同志是景德镇学院教授、知名人文学者，年轻时下放在浮梁县的三龙镇，把自己的青春年华献给了浮梁，浮梁是他的第二故乡，他魂牵梦绕在浮梁。

范希贤同志的诗词由《故乡吟》《友谊颂》《亲情

咏》三部分组成，作品贯穿着乡情、友情和亲情，字里行间，表达了对家乡的炙热之爱。《醉美兴田》《故乡吟》《咏严台古村》等篇，信手拈来，独具匠心，给人一种美的享受；《赞浮梁复县二十周年》《感赋浮梁复县三十周年》等篇，感慨浮梁一日千里的发展成就，“宏图绘就千秋梦，汗水浇开一片天。今日浮梁非昔比，开来继往更无前”；《画里浮梁》动也多情、静也多情，“风物长存舒画卷，一方水墨韵无穷”，宛如淡妆浓抹总相宜的水墨画，美不胜收。

韩晓光同志吟咏浮梁的诗作由绝句、律诗与词曲组成。他的诗歌创作严谨，文风高雅。他对浮梁有着一份特别的情愫，浮梁的一草一木都浸润在他的生命里，抒写在诗词作品中。他以诗意的抒写记录下对这片土地的深情眷恋。在《暮春偕友人游浮梁山村》写道：“多谢东君着意裁，山乡处处画图开。平生自有园田癖，散策何须布谷催。”曾经多年的浮梁生活印迹早已融入他的生活，时刻唤醒他的故乡记忆，诗句读来自然流畅，感情朴实真切。

“不教岁月掩风华，享誉江南第一衙。百代兴亡谁见证？巍巍红塔映朝霞。”在他的诗词作品中，饱含着对浮梁的真挚情感和美好祝愿。

习近平总书记指出，艺术的最高境界就是让人动心，让人们的灵魂经受洗礼，让人们发现自然的美、生活的

美、心灵的美。两位作者在内心深处怀着对浮梁永不褪色的真挚情感和浪漫情怀，以中国最为传统的文学表达形式——诗词来赞美浮梁抒发感情，既有对浮梁清山秀水的歌咏，也有对勤劳的浮梁人民的赞美，更彰显着对人生观、世界观、价值观的深层思考。他们的诗词作品具有接地气的力量，犹如春风化雨，滋润着人们的心田。

“一卷华章留妙咏，浮梁远景待吟讴。”希望更多的文人作家像希贤、晓光两位同志一样，情系浮梁，歌咏浮梁，为浮梁创作出更多更好的作品，为浮梁鼓劲、为浮梁助威，为开启新时代浮梁高质量跨越式发展新局面凝聚磅礴的文化力量！

2022年6月

（作者系中共浮梁县委书记）

“诗意绵绵桑梓情”，这是范希贤、韩晓光二人合著的《桑梓情思》一书中所洋溢着的美好情怀。

读这本书之前，不妨先走近这两位作者。这是走进这本书的最佳途径。

范希贤对于浮梁人来说，非常熟悉。他在浮梁土生土长，当过教师，任过浮梁县委副书记、人大常委会主任，足迹踏遍浮梁的山山水水，心中装着浮梁的点点滴滴。

韩晓光，景德镇学院人文学院资深退休教授。他的学生遍布浮梁的山乡，他也因此与浮梁结缘。韩晓光老师早年下放浮梁农村，对浮梁的土地、浮梁的山水、浮梁的人文风物，都有既真且深的情感。

或血缘或经历之缘故，浮梁，在范希贤与韩晓光的生命里，都烙下了深深的印记。这道印记，随着时光的流逝，愈加清晰明澈，化作汨汨流泉，散发出绵绵诗意。

范希贤以《故乡吟》《友谊颂》《亲情咏》三部曲的形式，表达他对浮梁的赤子之情。

故乡，是范希贤诗歌的主题词。他在这本书里，用诗的形式，记录了浮梁成长的历史。《赞浮梁复县二十周年》《感赋浮梁复县三十周年》……他用诗歌追随着浮梁向前奔跑的脚步，情深义重。“古邑流芳今胜昔，高峰再现慨而慷”“夜赏轻歌曼舞，朝闻鸟语花香。千年古邑似

朝阳，无限风光”，这是对浮梁县城建设新貌的感慨，喜悦与豪气盈于其间。这样的诗句，这样的豪情，来自于他笔下的律诗《咏浮梁》：“悠悠古县史称雄，五品流芳得圣封。毓秀千秋入杰萃，钟灵百里物华丰。东风巧借展鹏翼，盛世欣逢舞巨龙。瓷国茶乡五洲誉，高峰再现屹寰中。”在范希贤的眼里，浮梁是一幅多娇之画，在范希贤的心里，浮梁是一座精神家园。以至于他无论身在何处，总是心系浮梁，心系故园：“唯盼乡邦多励志，家园重建瑞云开。”这是范希贤当时身处千里之外，听闻家乡遭遇洪灾写下的诗句，焦虑之中，充满着深深的关切。读这样的诗句，无不为之动容，所感染。

范希贤在浮梁以“为官一任，造福一方”的责任感与使命感赢得好口碑，这与他的重情重义分不开。他为子尊老，“尊长辈，孝高堂，理应当。慈恩似海，情比天长，没齿难忘。”以一首《诉衷情·为慈母八十八岁生日作》献给母亲，朴素的话语里，见证着一片衷肠。“为儿急奔回乡路，好与萱堂话暖凉”，读到这样直抒胸臆的诗句，怎能不为其至孝之心所感怀。而对待朋友，范希贤乃一片真情。他经常用诗歌，向市县老干部表达关心问候之情。“矢志求真延岁晚，初心永葆与时新。”这是为原景德镇市委老领导张烈九十华诞写的祝贺诗。“风华壮岁敢擎云，事业萦怀历苦辛。民瘼关情孚众望，心清律己鉴忠贞。”以诗的名义，以

高度的评价，向原浮梁县委书记马博维表达自己的敬意。他为同学相聚写下自己的心情：“堪追忆，有酸甜苦辣，回味无穷。”他对儿孙写下自己的心愿：“更盼孙儿多励志，耕风耘雨不言愁。”

言为心声。在《友谊颂》和《亲情咏》里，我们看到了性情中的范希贤，以质朴的语言，用诗的意蕴，表达了内藏于心的深切情意，充满着生活气息和人间真情，实乃“人间诗话”。

作为“学院派”的韩晓光老师，以诗词曲的形式，赋予浮梁山川草木村落以桃源之风，灵秀之气。

在浮梁工作、生活多年的经历，给了韩晓光老师无穷的创作源泉。浮梁的山山水水，一次次激发他的创作灵感。浮梁淳朴的民风，一次次触动他挥笔的情怀。读韩晓光老师的作品，我们不仅仅是领略浮梁一幅幅秀美的风光，更是分享浓浓的桑梓情。韩老师以“异乡人”写“故乡”风光，一字一句发自肺腑。

“最爱田家风味好，笋芽新韭饷春盘。”多年的浮梁生活，使浮梁的烟火味早已刻入韩老师的心里，唤醒家的记忆。“莫恨春残无好景，菜花成荚稻秧青。”韩老师爱浮梁，爱得是这样朴实无华，入眼皆景，景中见情。

“一路岚光接水光，春风百里菜花香。”普普通通的菜花，在韩老师的眼里是这样风光无限，读来是如此真切动

人。“为什么我的眼里常含泪水，因为我对这土地爱得深沉。”用著名诗人艾青的诗句来定位韩老师对浮梁的情感，应当非常确切。韩老师对浮梁爱得越深沉，他诗词里蕴藏的情感越能扣人心弦。“山村访友值良辰，倍感殷殷情意真。赠我野兰初绽蕊，相看疑是对佳人。”读这样的诗句，往往会让人眼里常含泪水。这不只是用“性情中人”这四字可以简单概括的。这是用岁月，用生命的体验才能诠释的，亦如“桃花潭水深千尺，不及汪伦送我情”这样来自心灵深处的声音。

韩老师说，浮梁是他的第二故乡，有诗为证。“江心宝石今犹在，遥忆唐英玉笋歌。”这是清秋夜偕友人于宝石码头赏月。“渔郎一去无消息，此处桃源可问津？”韩老师偕友人游源港、桃墅古村，留下了十几首佳作。“莫道登攀无止境，虔诚可望有前程。”这是和友人重攀天宝前程古道，发出的心声。“不教岁月掩风华，享誉江南第一衙。百代兴亡谁见证？巍巍红塔映朝霞。”这是韩老师在浮梁古县衙写下的感慨。韩老师的诗作，是他走遍浮梁的足迹，亦是他用真情告白浮梁的“宣言书”。

读韩老师笔下关于浮梁的诗词，为画，风光旖旎，散发出浓郁的乡土气息；入理，言犹在耳，体现出千年浮梁人文沉淀所焕发的生命力。

《桑梓情思》，是一部回馈浮梁，回馈生命之作。不

同的经历，相似的情怀，让他们的诗作走到了一起。范希贤是土生土长的浮梁人，韩晓光以浮梁为第二故乡，他们的诗作都有淳朴而感人的故乡情结。

诗言情，诗言志。《桑梓情思》作为一部充满浮梁风味的作品，让我们以零距离的方式感受其间所散发出的至真至纯的情思，聆听漫漫岁月摇响的风铃。

2022年5月7日



今日浮梁，天展新容，地着新装。
看昌江河畔，高楼栉比；
洋湖洲上，街市琳琅。
绿树成荫，花香鸟语，仙女采茶曳锦裳。
清流岸，又平添胜景，滨水长廊。
复县廿载沧桑，战黄土高坡士气昂。
忆餐风宿露，蓝图共绘；
披荆斩棘，夙愿终偿。
古邑多娇，万千气象，游子情怀醉欲狂。
鹏程远，待云天振翼，万里高翔。

——范希贤《沁园春·赞浮梁县城新貌》

目
录

范希贤诗词

【故乡吟】

咏浮梁 / 002

赞浮梁复县二十周年 / 002

浮梁春韵 / 002

生态浮梁 / 003

故乡吟 / 003

昌江游感 / 003

感赋浮梁复县三十周年 / 004

浮梁新貌 / 004

浮梁夜景 / 004

画里浮梁 / 005

浮梁古村 / 005

醉美兴田 / 005

西湖赞 / 006

金竹山吟 / 006

车过峙滩新镇感赋 / 006

百里昌江 / 007

瑶里风光赞 / 007

春游汪湖村 / 007

过沂溪岭 / 008

咏严台古村 / 008

登五股尖 / 009

登女儿尖感赋 / 009

登女儿尖感赋又作 / 010

应罗建国书记邀请参观浮梁县城建设新貌感赋 / 010

三贤湖游感 / 010

漫步浮梁滨江小区 / 011

母亲河——昌江 / 011

参观三龙陶瓷工业园建设工地有感 / 011

贺邓志霞先生浮东液化气站落成开张 / 012

夏田古村 / 012

城门风貌 / 012

小院风光咏 / 013

回家即感 / 013

青龙坑游感 / 013

茶乡游感 / 014

咏三贤湖 / 014

遣 怀 / 014

视频中得知家乡浮梁县大范围突遭暴雨、山洪袭击，
受灾十分严重，吾远在千里之外，焦虑不安，赋七
律一首，以表关切之情 / 015

春日回乡，经金竹山返回，夜幕降临，欣然有感 / 015

春游浮梁有感 / 016

题庄湾陶然山庄 / 016

题黄坛大坑别墅山庄 / 016

题鹅湖长潭山庄 / 017

- 题进全田园山庄 / 017
- 和横琴待月《与浮梁诗友玉田湖踏青》 / 017
- 山居印象 / 018
- 山里老家 / 018
- 浮梁复县二十周年感赋 / 018
- 瞻仰程家山革命烈士纪念碑感赋 / 019
- 咏浮梁映山红 / 019
- 咏浮梁香樟 / 019
- 浮梁颂 / 020
- 与老同事重游浮梁 / 020
- 春游浮北 / 021
- 秋游浮梁 / 021
- 游浮梁红塔感赋 / 021
- 咏浮梁高速公路大桥 / 021
- 回家即感 / 022
- 浮梁郊游即感 / 022
- 游玉田湖 / 022
- 参观浮梁古县衙感赋三章 / 023
- 重游玉田湖 / 023
- 咏浮瑶仙芝（藏头诗） / 024
- 咏沧溪蜚英坊 / 024
- 假日回乡垂钓，偶遇学友有感 / 024
- 咏浮梁生态园 / 025
- 咏金竹山寨 / 026
- 洗马桥 / 026

宝 石 / 026

万寿寺天然石刻 / 026

石 鼓 / 027

有感东埠仿古大桥 / 027

咏浮梁茶 / 027

偕友游湘湖知青农庄 / 028

视频中，见曹村降突降春雪，感而赋之 / 029

游浯溪口水库感赋 / 029

瑶里风光咏 / 030

童画村游感 / 031

三贤湖游感 / 032

前程行 / 033

青龙坑游感 / 034

题鹅湖长潭山庄 / 035

雪后浮东行 / 036

秋日做客夏田农家 / 036

浮梁古村来龙与水口 / 037

楚冈行 / 037

新农村即景 / 037

夜望浮梁新城 / 038

浪淘沙·贺浮梁复县二十周年作 / 038

渔家傲·浮梁红塔 / 038

沁园春·赞浮梁县城新貌 / 039

画堂春·颂浮梁 / 039

浪淘沙·龙湖览胜 / 040

满庭芳·秋游湘湖知青农庄 / 040

临江仙·浮梁郊野春游 / 041

满庭芳·忆登五股尖 / 041

忆江南·家乡好 / 042

小重山·春日浮梁郊野登山 / 043

【友谊颂】

恭贺张老九十华诞 / 046

恭贺宁老九十华诞 / 046

题赠马博维先生 / 047

题赠时连璋先生 / 047

己丑新正，参加浮梁县迎新座谈会赋七律一首，赠
龙强、永昌同志（藏头诗） / 048

题赠浮梁县林群书记、孙艳峰县长 / 048

贺雄泰君荣任昌江区委书记（藏头诗） / 049

题赠金秋来先生荣任市政府参事 / 049

题赠陈国清先生荣任景德镇市委党校常务副校长 / 050

赞“最美老干部”吴木才先生 / 050

题赠胡辛老师 / 051

恭祝乔文龙医师八十华诞 / 051

学诗——致良师益友晓寒先生 / 052

题贺浮梁诗词协会成立暨代表大会胜利召开 / 052

年末岁首，题赠浮梁诗协郑会长并各位吟友 / 053

题贺浮梁书协换届大会 / 053

受聘浮梁县老科协顾问感赋 / 054

- 赞浮梁诗教进校园 / 054
- 题贺浮梁武协《太极拳之路》出版 / 054
- 题韩晓光老师《浮梁古代诗文选注》 / 055
- 题贺浮梁县淳安移民五十周年庆典 / 055
- 赠同窗好友 / 055
- 题老同事聚会 / 056
- 感赋鹅中老三届同学合影旧照 / 056
- 鹅中老三届同学聚会感赋 / 057
- 和晨曦《玉田垂钓》 / 058
- 步均安同学《画他》原韵赋诗一首 / 059
- 依韵均安同学《老家》和诗一首 / 060
- 题浮梁谷雨诗会暨诗协成立一周年 / 060
- 浮梁谷雨诗会颁奖大会即感 / 061
- 参观汪开潮等青年书法家陶瓷书法展感赋 / 061
- 诚谢香如故先生赐玉雅和 / 061
- 诚谢香如故先生为本人拙句赐墨 / 062
- 观兴田乡知识青年上山下乡五十周年聚会视频有感 / 062
- 谢冯云龙先生赠《瓷源茶乡——浮梁导游》四章 / 063
- 和晓寒先生《回乡吟》四首 / 064
- 醉花阴·同学聚 / 066
- 沁园春·致鹅中老三届同学微信群 / 066

【亲情咏】

- 题续修《范氏家谱》兼示子侄 / 070
- 清明节回乡祭扫父亲墓 / 070

为慈母八十五岁生日作 / 071

诉衷情·为慈母八十八岁生日作 / 071

端午节回乡省母 / 072

感赋与新中国同龄 / 072

生日自述 / 073

卜算子·儿响华、媳冬艳婚后首次双双回家过年 / 073

孙女出生，欣喜万分，感而赋之 / 074

乳燕飞·作于孙女两岁半 / 074

阿布两周岁生日作 / 075

题孙女七周岁生日 / 076

寄语外孙女上大学 / 076

临江仙·送外孙女赴读上海大学 / 077

赴上海看望孙女 / 077

携孙女游上海灵石公园 / 078

接送孙女上学有感 / 078

新年寄语——示孙 / 078

庚子夏月回上海 / 079

我和孙女皆为己丑夏月出生。岁秩轮回，前几天我

年满七十，孙女画了个仙桃，给我祝寿，今天又

迎来了孙女十周岁生日。高兴之余，聊吟短句，

以表情怀 / 080

喜得外曾孙即感 / 081

生日自题 / 081

【绝句】

春日乡居杂咏 / 084

暮春偕友人游浮梁山村 / 085

玉田湖垂钓 / 086

壬寅花朝节赴乡村赏菜花 / 087

清秋夜偕友人宝石码头赏月 / 088

清秋偕友人游港北古村 / 089

南河堤畔寻春行吟 / 090

应乡村友人相邀重游浮北山乡 / 091

秋日偕友人重攀前程古道 / 091

悠悠不尽是乡愁 / 092

雨中偕友人重游高岭 / 101

应邀偕老年大学诗友重游东埠、瑶里，归来遵嘱吟

成短句四首纪行 / 102

新正山乡途中见陌上菜花感赋 / 103

浮梁乡村踏青记游 / 104

暮春三月，群友相邀重游昌江源头 / 105

清秋夜洪源雅集 / 106

古村胡宅十景 / 107

孟夏陌上行吟 / 109

为智晓君题瑶里山居图 / 110

初春山村访友口占 / 110

上巳水滨观垂钓 / 111

金秋玉泉雅集再咏 / 111

- 咏严台二桥 / 112
- 初春游金竹山陡岭村 / 112
- 下放三龙乡村四时记趣 / 113
- 寻春吟草 / 114
- 陌上行 / 116
- 秋日茶宝乡山行 / 117
- 农家即景 / 117
- 丁亥仲春山乡纪行 / 118
- 山村春晨 / 118
- 春郊散策 / 119
- 瑶里山乡秋日黄昏即景 / 119
- 储田乡春行 / 120
- 瑶里山乡品崖玉新茶喜作 / 120
- 戊子花朝日踏青韩源村 / 121
- 偕友人雨中寻芳峙滩江边 / 122
- 庚寅暮春浮梁山乡行吟 / 123
- 清明游洪源村 / 125
- 作客农家途中遇雨 / 125
- 辛卯仲春山乡履痕 / 126
- 辛卯金秋山乡行吟 / 127
- 暮春陌上看花吟 / 128
- 秋日偕友人游浮东港口村 / 129
- 源港古村新十景 / 130
- 春日偕雅典娜、大爱无言诸君重游瑶里 / 132
- 甲午秋日作客曹君山居 / 132

- 丙申仲夏偕友人访万寿寺 / 133
进坑踏青三首 / 134
清秋鹅湖西坞雅集 / 135
上巳日偕明柳、陈平君游玉田湖 / 136
秋日偕友人游天保乡皇尚寺遗址 / 137
题桃墅十景（选三） / 138
高岭寻幽 / 139
咏浮梁宝积禅寺 / 140
为《瑶里风光》题照 / 144
题余银泉先生所摄浮梁田园风光照 / 145
浮梁历史文化研究会成立十周年感赋 / 147

【律诗】

- 重访塔里古村品茗感怀 / 152
壬寅新春芳郊散策 / 152
金秋玉田雅集感赋 / 153
壬寅立春日应友人约赴南田坞迎春雅集 / 153
游王港乡仁旺绿色山庄 / 154

【词曲】

- 踏莎行·辛丑暮春南田坞赏藤花 / 158
踏莎行·辛丑上巳灵岩雅集 / 158
踏莎行·元旦偕友人重游桃墅古村 / 158
踏莎行·偕浮梁诗友江村采风行 / 159

踏莎行·泛舟玉田湖 / 159

踏莎行·与友人相约游春 / 159

踏莎行·除夕前日雪霁偕友人登虎头岗踏雪寻诗 / 160

踏莎行·应邀偕诗友赴湘湖采风 / 160

踏莎行·探访浮梁磻溪古村 / 160

踏莎行·壬寅上巳田源居雅集 / 161

沁园春·游盘溪村 / 161

采桑子·浮东山乡秋行 / 162

【楹联】

为塔里天祥茶号拟联 / 166

为友人南田坞别业拟嵌名联 / 166

为瑶河新建廊桥题联 / 166

为古村严台题联 / 167

为进坑如是书院拟联 / 167

为外蒋村牌楼拟联 / 168

为桃墅三溪亭题联 / 168

为磻溪水口亭题联 / 168

为锄月山庄题联 / 168

为储田乡陶正先生田源居题联 / 169

后 记 / 170



范希贤诗词

◇ 【故乡吟】

◇ 【友谊颂】

◇ 【亲情咏】

咏浮梁

悠悠古县史称雄，五品流芳得圣封。
毓秀千秋人杰萃，钟灵百里物华丰。
东风巧借展鹏翼，盛世欣逢舞巨龙。
瓷国茶乡五洲誉，高峰再现屹寰中。

赞浮梁复县二十周年

浮梁复县铿锵步，椽笔雄挥著锦篇。
奋力前行辉古邑，与时俱进换新天。
千辛历尽情犹热，万苦甘尝志更坚。
策马扬鞭闯新路，乘风破浪史无前。

浮梁春韵

山乡三月焕生机，惊蛰雷苏万物时。
朔气冰霜无迹影，祥光雨露广照施。
云浮红塔腾紫气，日照昌江泛绿漪。
万象更新人意好，浮梁处处尽朝曦。

生态浮梁

春风骀荡柳含烟，赤绿黄橙百卉妍。
昌水盈盈腾碧浪，林峦郁郁衬蓝天。
千年幽韵千村秀，百里葱茏百鸟喧。
旖旎风光生态美，山乡无处不桃源。

故乡吟

故乡三月景幽清，村舍参差绿霭萦。
摇曳新枝添秀色，殷勤啼鸟唤晴明。
云凝峻岭苍松翠，雨润川原芳草青。
水色山光浑似画，东风送暖最怡情。

昌江游感

暖春时节踏青游，情寄昌江逸兴稠。
雨润郊原花滴露，风摇细柳叶含羞。
层峦叠岭晴烟袅，碧水芳洲紫气浮。
秀美风光舒画卷，新朋旧雨意悠悠。

感赋浮梁复县三十周年

蓦然回首忆当年，卅载光阴弹指间。
黄土高坡曾携手，征程策马共挥鞭。
宏图绘就千秋梦，汗水浇开一片天。
今日浮梁非昔比，开来继往更无前。

浮梁新貌

浮梁无处不风光，熠熠明珠画里藏。
百里昌江碧波漾，四河流域稻花香。
城融山水腾佳气，地展新容着锦裳。
更有乡村莺燕舞，霞辉绿染尽芬芳。

浮梁夜景

夕阳犹洒漫天霞，入夜浮梁灿万家。
广厦交辉流彩韵，亭廊滨水浣轻纱。
长街处处盈虹影，绿树丛丛绽锦花。
最是园林歌舞处，红男绿女唱蒹葭。

画里浮梁

山川敷秀彩云彤，赤绿黄橙百卉荣。
绿岭千重翻绿浪，清波百里漾清风。
山歌起处田园乐，流水人家翠霭笼。
风物长存舒画卷，一方水墨韵无穷。

浮梁古村

悠悠千载韵幽长，梦里家山灿锦光。
古井廊台青石路，灰砖黛瓦马头墙。
来龙峰岭延风脉，水口林荫蕴吉祥。
醉美乡村风物好，民风更比景芬芳。

醉美兴田

醉美兴田别有天，悠悠青史越千年。
一方水墨春光灿，万顷峰峦碧浪掀。
红色基因凝浩气，流芳梓里展新颜。
欣逢盛世华章奏，一路高歌永向前。

西湖赞

莽莽合源耸碧云，巍巍茶宝气氤氲。
磻溪水接西溪里，牛石岭连羊石邨。
桃墅府前腾紫气，柘平金竹漫青林。
凝眸好望西湖美，何必桃源问古津。

金竹山吟

金竹山乡别有天，雄岗楚楚碧峰连。
奚家紧接林家寨，桃岭比邻枞岭尖。
轿顶峰巅曾论剑，曹村降上可耕田。
小桥流水桃源境，梦里蓬莱在此间。

车过峙滩新镇感赋

车过峙滩感慨深，何时此处建新村？
连绵葱岭延风脉，顺势群楼依北岑。
短巷长街腾瑞气，平湖碧水起祥云。
为酬大计大迁徙，一举功成百代欣。

百里昌江

百里昌江百道弯，一泓碧水袅晴岚。
波翻浪滚奔流急，雾绕云浮翠靄环。
不尽涛声追大海，无边风物锁关山。
徽饶水道古丝路，擂鼓潮头又一滩。

瑶里风光赞

瑶河九曲水潺湲，涧壑生花瀑滃然。
白石塔边青雾绕，仰天台上玉芽鲜。
冲霄五股连星汉，镇地於菟涌碧泉。
水韵山魂难入画，天工妙笔赋诗篇。

春游汪湖村

茂林深处有人家，丘壑生烟曲径斜。
红豆葱茏连翠岫，碧潭潋滟袅轻纱。
楼廊仿古添幽韵，老屋翻新绘锦花。
今日汪湖风物盛，小康路上正风华。

过沂溪岭

兴来重访沂溪岭，往事萦怀感慨深。
昔日荒山榛莽遍，弯多径曲路难寻。
如今巍岭车行畅，柳暗花明气象新。
叠叠青山收眼底，清风送我过高岑。

注：沂溪岭，浮梁北部山区一地名。

咏严台古村

醉美乡村景物稠，严台毓秀倍清幽。
古樟蔽日岩边立，涧水飞花檐下流。
背靠青山倚雄障，桥横水口锁钟楼。
天祥茗号五洲誉，一叶飘香万国求。

注：史载严台村江资甫先生经营的天祥茶号出品的浮红茶，在1915年巴拿马万国博览会上荣获金奖，有“万国来求”之誉。

登五股尖

阳春三月东风暖，跃上芭蕉五股尖。^①
磅礴俯临三县界，崔嵬欲揽九重天。^②
红尘远隔身心爽，绿海轻波胸次宽。
雾绕云环仙境里，仰天台上共流连。^③

注：①五股尖，又名芭蕉五股尖，亦名五华山，为浮梁境内最高峰，海拔1618.4米。

②三县指江西浮梁县、婺源县，安徽休宁县。

③仰天台，为五股尖一景点名。

登女儿尖感赋^①

跃上郎台四百旋，女儿尖畔探家园。^②
卅年难忘盘山上，岁月留痕老屋前。
昔日果茶遍山野，今朝松竹蔽云天。
欣然枞岭峰头立，遥看乡亲乐井田。^③

注：①女儿尖，浮北一山峰名，海拔千余米，笔者出生地，儿时在此生活。

②郎台，浮北一区域名，有郎台岭、郎台桥、郎台坑等，此指郎台岭，登女儿尖必经之处。

③枞岭，即枞树岭，女儿尖支峰。

登女儿尖感赋又作

叠岫清岚漫碧岑，郎台岔道绕荆榛。
常思少小朦胧事，难忘当年乡土音。
磅礴群峰云叆叇，逶迤峻岭气氤氲。
青山踏遍无归意，秀丽风光醉煞人。

应罗建国书记邀请参观浮梁县城建设新貌感赋

金风送爽桂飘香，许我同行赏锦光。
好景频添开胜境，新城崛起耀辉煌。
征程接力挥椽笔，击水中流启远航。
古邑流芳今胜昔，高峰再现慨而慷。

三贤湖游感

春日寻芳昌水边，三贤湖畔意流连。
碧波荡漾晴烟袅，绿树婆娑紫气旋。
日丽风清香缕缕，莺飞燕舞影翩翩。
娇容妩媚游人醉，今日浮梁绘锦篇。

漫步浮梁滨江小区

漫步堤边逸兴长，滢滢昌水映朝阳。
风摇翠柳轻盈舞，浪逐江鸥自在翔。
楼耸蓝天浮倒影，桥横碧水沐霞光。
滨江十里春风暖，两岸人家画里藏。

母亲河——昌江

悠悠岁月水盈盈，千古汭汭绕古城。
昼夜奔流思大海，惠民泽土润苍生。
蓝天碧水浮梁秀，旧邑新装慈母情。
冬去春来天地复，风调雨顺乐升平。

参观三龙陶瓷工业园建设工地有感

欣看荒野建瓷园，新辟浮西一片天。
金意乐华同落户，投资创业史无前。
厂房栉比参天立，车辆追风一路连。
游子情怀浑欲醉，家乡面貌绽新颜。

贺邓志霞先生浮东液化气站落成开张

傍水依山别墅庄，浮东气站喜开张。
秋风吹梦酬心愿，晚照流晖报故乡。
常虑村民伐薪苦，更思绿岗楮松香。
邓君励志效桑梓，饮水思源情意长。

夏田古村

青史悠悠景物稠，沧桑难掩旧风流。
桥横碧水柳烟伴，树掩楼廊曲巷幽。
良相声名传百代，人文底蕴誉千秋。
好风凭借春常在，裕后光前更上楼。

城门风貌

绿水青山抱古村，沧桑风雨韵犹存。
清流见底源头活，古木参天根脚深。
老屋长街溢华彩，人文风物逐时新。
凝眸好望家山美，画里城门总是春。

小院风光咏

幽幽小院风光秀，扑面清风阵阵来。
蝶舞莺飞摇翠影，枝繁叶茂掩池台。
一庭芳草添娟媚，四季鲜花作锦裁。
最是金秋盈硕果，诗情画意畅心怀。

回家即感

小河流水门前过，翠竹摇风拂后坡。
布谷声声啼婉转，春花朵朵舞婆娑。
群鹅拍翅戏清浪，归燕衔泥补旧窝。
茗饮一杯无限意，乡情缕缕漾心波。

青龙坑游感

莽莽群山云雾中，翠微深处隐青龙。
青枫蔽日参天立，老屋藏幽古韵浓。
赛马坦前话今古，馥芝坊内论西东。
清溪十里风含影，跃上鸡冠气更雄。

茶乡游感

十里春山漾碧涛，茶歌起处白云飘。
清流溪畔晴烟袅，云雾山中绿玉娇。
村嫂诚怀迎远客，游人逸兴品新毫。
茗香缕缕留芳韵，一梦归来意自陶。

咏三贤湖

天光水色共苍茫，谁遣春风入画廊？
啁啁莺歌鸣翠柳，粼粼影动戏鸳鸯。
芳堤时见燕双舞，曲榭犹闻翰墨香。
此乃三贤泛舟处，泮泮千载韵犹长。

遣怀

家山远隔几秋冬，客里思乡情更浓。
微信频频悦心目，视频每每报春风。
新城奇丽缀佳景，古邑多娇展靓容。
遣笔抒怀难作赋，回肠九曲赤心同。

视频中得知家乡浮梁县大范围突遭暴雨、山洪袭击，受灾十分严重，吾远在千里之外，焦虑不安，赋七律一首，以表关切之情

蛟龙滚滚自天来，哪管人间遭祸灾？
浊浪横冲桑梓毁，急流漫涌庶民哀。
可怜父老归何处？不尽忧思涌入怀。
唯盼乡邦多励志，家园重建瑞云开。

春日回乡，经金竹山返回，夜幕降临，欣然有感

山寨梯云垦薄田，农夫劳作各纷然。
村姑采得新茶笋，布谷催开红杜鹃。
日落星依柳梢上，夜来人坐彩屏前。
山乡风物堪陶醉，醉美还如饮醴泉。

春游浮梁有感

春明郊野觅芬芳，秀陌流连风送香。
纤柳傍溪染新绿，芸苔和露淀金黄。
山花着意撩人醉，暖日含情照影长。
借得三分桃李韵，清词佐酒任疏狂。

题庄湾陶然山庄

好个蓬莱天一角，洞天别具倍陶然。
琼楼隐隐腾佳气，曲径幽幽接岭巅。
背倚青山山竞秀，门盈碧水水漪涟。
霞辉绿染春常在，梦里桃源在此间。

题黄坛大坑别墅山庄

翠微深处有人家，别榭依山披彩霞。
风脉延绵腾紫气，碧潭潋滟浣轻纱。
院中芳卉环翠阁，溪畔青林润玉芽。
秋月春花为伴侣，蓬莱一角绽奇葩。

题鹅湖长潭山庄

别榭依山风脉连，小河流水过门前。
三阳映照晴烟袅，五福昭临紫气旋。
碧玉园中花织锦，赤栏杆外柳垂帘。
好风频送春常在，尽享桃源一片天。

题进全田园山庄

有心追梦梦终圆，半辈辛劳苦亦甜。
日照华堂凝瑞气，霞辉庭院绕轻烟。
潺潺溪水门前过，叠叠青山屋后连。
乐业安居风水地，桃花源里好耕田。

和横琴待月《与浮梁诗友玉田湖踏青》

暖日风和满目新，吟俦结伴赏湖春。
轻舟短棹纤纤意，绿野芳洲款款身。
岸柳依依垂倒影，澄湖淡淡照佳人。
横琴当觅桃花岛，待月何须天外巡。

山居印象

大山深处少喧哗，山畔结庐且作家。
屋陋尚能避风雨，地闲正好植桑麻。
后生岭上育茶竹，翁妪家中抚幼娃。
冬暖夏凉蜗一寓，清风皎月伴生涯。

山里老家

山里老家别有天，安居一隅似桃源。
依山傍水轻烟袅，坐北朝南紫气旋。
鸟语花香三径绕，蔬肥果硕四时鲜。
乡村建设缀佳景，锦上添花绽靓颜。

浮梁复县二十周年感赋

血气方刚重任膺，荒坡野岭拓新城。
餐风宿露苦犹乐，不负拳拳赤子情。

回首当年意未平，荒丘已变靓新城。
浮梁崛起鹏程远，锦上添花待后生。

瞻仰程家山革命烈士纪念碑感赋

欲识当年一代雄，还从云雾上青峰。

石阶犹印英雄血，岭上频吹壮士风。

千古英雄喋血红，丰碑赫赫屹云中。

抬头犹见旌旗奋，侧耳似闻鼓角隆。

咏浮梁映山红

天将五彩染群峰，泣血子规啼绿丛。

万壑千崖霞灿灿，如荼似火映山红。

咏浮梁香樟

枝繁叶茂遍山乡，吐翠含烟百里香。

拔地参天怀远志，千年风雨历沧桑。

浮梁颂

浮梁无处不青山，百里昌江百道弯。
造化钟灵人杰地，茶乡瓷韵水云间。

水秀山明风物奇，新城崛起蕴生机。
廿年改革春潮涌，开放浪高南岭低。

与老同事重游浮梁

志同道合蕴深情，少壮艰辛心志诚。
鬓发添霜常忆旧，浮梁结伴又重行。

白云碧树掩山村，秋色斑斓怡我心。
故地风光浑似画，青峰凝黛稻铺金。

踏遍青山爱晚晴，流连秀野忘归程。
浮梁处处风光好，枝叶相依桑梓情。

春游浮北

翠柳成行溪畔栽，和风着意送春来。
新枝摇曳晴光暖，李白桃红处处开。

秋游浮梁

驱车陌上晚风轻，叠岭群峰岚雾萦。
枫叶漫山红似火，秋光旖旎胜春明。

游浮梁红塔感赋

千年红塔顶天立，历雪经霜风雨凄。
阅尽人间兴废事，浮梁崛起映朝曦。

咏浮梁高速公路大桥

横空飞架贯长虹，跨越东西气势宏。
崛起浮梁虎添翼，通江达海趁东风。

回家即感

少小离家岁月多，生涯回首未蹉跎。
乡思恰如长逝水，心潮时涌旧时波。

吾家四季好花开，阵阵清香扑面来。
枕梦常思乡野乐，此情纨绔岂能猜。

浮梁郊游即感

沃野风轻兰蕙香，柳帘垂户掩山庄。
故乡春韵撩人醉，流水人家画里藏。

游玉田湖

山峦叠翠抱平湖，倚岸群峰影自浮。
潋滟波光泛青玉，水天一色似蓬壶。

云影波光巧剪裁，玉田春水画图开。
柳摇曲岸千峰动，满目芳菲扑面来。

参观浮梁古县衙感赋三章

一卷长舒话浮邑，千年风雨历沧桑。
圣封五品流方远，青史悠悠肇汉唐。

千年衙署韵悠长，春到浮梁赋锦章。
修旧如新四 A 景，风流再现更辉煌。

楹联数语意深长，吏治清廉自古扬。
为政当思先律己，民心为镜莫疏狂。

重游玉田湖

向慕玉田今又行，清波百顷正相迎。
一声欸乃画图展，山色湖光醉眼明。

一泓碧水荡胸襟，湖漾清波泛锦纹。
岸柳摇风莺鹊闹，此身犹入画堂春。

咏浮瑶仙芝（藏头诗）

浮雾轻云润玉芽，瑶河谷雨育新茶。
仙姑一曲春风里，芝馥兰芳沁万家。

咏沧溪蜚英坊

胜景蜚英青史悠，尘泥难掩旧风流。
碧潭桂柳半边月，三步金阶五凤楼。

假日回乡垂钓，偶遇学友有感

池边偶遇昔同窗，百亩清波鱼跃塘。
创业而今圆好梦，勤劳致富志图强。

云逐青峰映碧流，一竿在手意悠悠。
心闲静坐湖边候，时有鱼儿来戏钩。

一片飘来疑是云，呱呱喧闹落湖滨。
抬头拭目凝神望，山畔惊飞白鹭群。

咏浮梁生态园

松枫露润气氤氲，芳草葳蕤碧水临。
都道此间鲜氧好，爽心健体最宜人。

小桥流水韵流香，蛙鼓蝉鸣蜂蝶忙。
曲径幽幽闻鸟语，柳荫深处晚风凉。

黛染孤峰绿满冈，山头更览好风光。
登高放眼开胸次，昌水奔流日夜忙。

何时此地破天荒，处女开颜着锦裳。
地利天时人努力，高坡黄土汗花香。

春夜风馨碧水旁，霓虹饰彩映霞光。
何愁夜幕无佳景，生态园中任尔狂。

今日浮梁着盛装，游人指点话沧桑。
廿年心血织新景，熠熠明珠画里藏。

咏金竹山寨

绿海茫茫金竹翠，森森峡谷碧泉飞。
小桥流水田园趣，燕语莺声处处随。

洗马桥

西冲水暖过桥东，潋潋清波映碧穹。
此处张飞曾洗马，长矛难敌酒旗风。

宝 石

飞来一石卧江心，浪洗波冲亘古今。
福佑苍生显灵气，祛邪驱恶自传神。

万寿寺天然石刻

万寿禅林旧迹存，古荫蔽日径幽深。
仙翁遗刻峭崖上，千古奇观待问津。

石 鼓

一方巨石枕江边，听雨观风不计年。
涛涌波翻等闲度，潮头擂鼓撼云天。

有感东埠仿古大桥

仿古新桥似古桥，此桥兴建在当朝。
千年盛誉瓷之路，改革迎来开放潮。

咏浮梁茶

浮梁处处尽芳春，茶树青青隐密林。
村嫂枝头采新叶，一杯涤尽世间尘。

人说浮梁风物奇，乐天觞咏琵琶诗。
买茶应到浮梁去，天下闻名君可知？

偕友游湘湖知青农庄

知青农庄

峰峦抱阁郁苍苍，锦簇花繁满院香。
老屋翻新乡土韵，情融山水意悠长。

农庄主人

农庄庄主老知青，脉脉常怀赤子情。
岁月无痕人有意，感恩回报梦常萦。

庄前观景

枫叶流丹菊绽黄，芳郊野岭泛秋光。
庄前笑对斑斓景，瑞气盈盈幽韵长。

知青情怀

逝水流年四十春，银霜染鬓壮心存。
沧桑岁月情难了，欲伴乡亲作里邻。

视频中，见曹村降突降春雪，感而赋之

三月阳春白雪飘，曹村降上尽妖娆。
是谁借得生花笔，百里山乡信手描。

游浯溪口水库感赋

百里昌江九曲流，粼波闪闪景清幽。
云游水底千峰动，疑是天公濯绿绸。

一坝横栏锁碧川，平湖荡漾柳含烟。
落霞飘洒昌江岸，火树银花不夜天。

昌水融融慈母情，泐泐千载碧波清。
百年心梦遂人愿，波涌机喧万户明。

一枝一叶蕴情深，游子常怀赤子心。
江水澄泓碧波漾，无边风物荡胸襟。

瑶里风光咏

梅岭山庄

芳菲时节访山庄，梅岭花开着盛装。
溪水潺潺风习习，琼楼隐隐若仙乡。

徽饶古道

悠悠古道贯徽饶，越岭跨溪过石桥。
涧谷深幽风振叶，春风无雨也萧萧。

草庐午憩

绿荫蔽日掩茅庐，溪水飞花檐下流。
野味山珍佳酿美，情融乡里意悠悠。

绕南古村

一湾清水绕紫门，叠岭群峰抱古村。
古井廊桥青石路，千年风雨韵犹存。

童画村游感

童画山庄得胜游，风牵柳引过村头。
霎时恍入蓬莱境，身在仙山楼外楼。

一墙彩画一墙诗，满目芳菲幽梦驰。
借得青山为背景，引来花雨落瑶池。

时人莫厌乱涂鸦，一自春风笔溅花。
画得人间凝梦幻，缤纷五彩是农家。

悠游此地甚销魂，怎叫游人不动心。
若得许身童画里，不辞长做画中人。

三贤湖游感

平湖荡漾柳含烟，情景相生一洞天。
水墨交融浑似画，人行画里醉流连。

天光水色韵无穷，满目芳菲一镜中。
此处先贤曾雅聚，人文百代漾春风。

湖边独步每流连，顿觉清新一片天。
柳吻廊亭频照影，轻颺拂面润心田。

碧影粼粼泛锦光，相依桃李巧梳妆。
轻歌一曲春风里，好放心花挽夕阳。

前程行

驱车结伴访前程，难却同窗不了情。

鬓发添霜常忆旧，桩桩往事忆犹清。

金风送爽放晴明，满目青山夹道迎。

相见前程今又是，张张笑脸蕴深情。

同窗自有真情在，学友相逢倍温馨。

问暖嘘寒心意切，开怀把盏酒盈樽。

似箭光阴弹指间，风流聚散惜前缘。

而今各有天伦乐，莫把同窗付忘川。

青龙坑游感

路转峰回接岭巅，茂林深处袅轻烟。

半空传语人难见，翠盖楼廊露瓦檐。

鸡冠峰下访农家，山畔楼廊披彩霞。

笑语平添无限意，开怀把盏话桑麻。

乡亲好客意情浓，茗饮飘香谈笑中。

三九寒冬朔风烈，一盆炉火暖融融。

松枫满岗郁葱葱，醉美乡村紫气笼。

梦里桃源何处觅，不辞长住此山中。

题鹅湖长潭山庄

楼榭依山紫气旋，小河流水过门前。
好风频送春常在，独享桃源一片天。

琼楼隐隐沐霞光，傍水依山画里藏。
风送花香人自醉，洞天别具韵幽长。

东河九曲水潺湲，坝锁长潭映碧天。
翠柳摇风莺鹊闹，长居此地若天仙。

门对青山活水来，小楼翠掩画图开。
兴来约友堂中座，把酒飞觞乐满怀。

雪后浮东行

雪晴初霁路无尘，万里长空无片云。
弄叶摇枝道旁树，轻言细语报春临。

鹅湖重访兴犹酣，百里驱车傍水湾。
沃野郊原收眼底，宜人风物喜无边。

晴岚如带绕葱茏，雪里梅花点点红。
坐对青山浑欲醉，丝丝垂柳舞东风。

戊子欣临气象新，轩前共话酒盈樽。
农家自有田园乐，鼓角催征又一春。

秋日做客夏田农家

乡亲好客意殷勤，问暖嘘寒笑语温。
故友欣逢情更爽，桑麻共话酒盈樽。

浮梁古村来龙与水口

盘龙常卧后山冈，福佑苍生亘久长。
一脉传承昌百代，玄机岂在此中藏？

参天古木郁苍苍，蔽日林荫蕴吉祥。
水口有风亦有水，自然好景共天长。

楚冈行

楚楚雄冈欲插天，琼楼隐隐雾中悬。
千峰醉揽云垂地，不是神仙亦胜仙。

新农村即景

不论阴晴和雨天，四时难见袅炊烟。
电炉蒸饭烧开水，煤气烹调煮海鲜。

南北东西路畅通，穿梭车辆快如风。
敲盘击键走天下，生意呼来一瞬中。

夜望浮梁新城

水抱江洲暮霭平，新城入夜万家明。
千年古邑放光彩，十里华灯灿若星。

浪淘沙·贺浮梁复县二十周年作

古县史称雄，五品圣封。时逢盛世驾东风。
廿载复兴争崛起，屹立寰中。
健步上高峰，壮志图宏。和衷共济众心同。
锦绣前程跨骏马，指日昌隆。

渔家傲·浮梁红塔

拔地冲霄临水岸，江风伫听凄凄唤。代改朝
更年岁换，堪悲叹，沧桑阅尽秋容淡。
斗转星移红日灿，霞光万道长虹贯。姹紫嫣
红花烂漫，新城畔，千年红塔青春焕。

沁园春·赞浮梁县城新貌

今日浮梁，天展新容，地着新装。看昌江河畔，高楼栉比；洋湖洲上，街市琳琅。绿树成荫，花香鸟语，仙女采茶曳锦裳。清流岸，又平添胜景，滨水长廊。

复县廿载沧桑，战黄土高坡士气昂。忆餐风宿露，蓝图共绘；披荆斩棘，夙愿终偿。古邑多娇，万千气象，游子情怀醉欲狂。鹏程远，待云天振翼，万里高翔。

画堂春·颂浮梁

氤氲紫气绕浮梁，物华天宝琳琅。高楼碧树耸街旁，旧邑新装。

夜赏轻歌曼舞，朝闻鸟语花香。千年古邑似朝阳，无限风光。

浪淘沙·龙湖览胜

泉映紫岚旋，秀陌幽然。龙湖如镜柳含烟。
亭影悠悠摇碧浪，其境若仙。

游客尽欢颜，兴致频添。清流泻玉灌良田。
云淡风轻天日朗，绿野芳园。

满庭芳·秋游湘湖知青农庄

绿树浓荫，小桥流水，青山环抱农庄。灰
砖瓦屋，细柳吻花窗。庭院枝荣果硕，金菊灿，
秋韵流香。风和日，天高云淡，胜景似春光。

年华如逝水，青春不驻，岁月情长。念父老
恩深，思报乡邦。但爱蔬畦半亩，常劳作，体
健身强。清平乐，天年颐养，共赏满庭芳。

临江仙·浮梁郊野春游

翠柳含风花烂漫，蝉鸣燕舞莺飞。气蒸云绮
煦风微。青枝垂滴露，绿草沐春晖。

风雅悠悠幽思涌，怡然诗酒追陪。放怀啸咏
畅心扉。唐风拂霁野，宋韵吐芳菲。

满庭芳·忆登五股尖

二十年前，邀朋约友，共登五股巅峰。朦
胧记忆，沧海接天穹。真个人间仙境，云垂地，
雾霭浓浓。最高处，天风猎猎，似捣玉皇宫。

依稀今又是，神驰旷野，绝顶凌空。更萦思
缕缕，意想重重。趁得腰身尚健，尽余力，再
跃葱茏。人生路，沧桑几许，攀涉乐无穷。

忆江南·家乡好

家乡好，水秀碧峰高。九野和风流彩韵，田园如画尽妖娆，前景更多娇。

家乡好，阜盛数兴田。毓秀钟灵人杰萃，悠悠青史越千年。今日更挥鞭。

家乡好，最忆女儿尖。岭上居家年正少，结庐山畔似桃源。梦里每流连。

家乡好，圣地仰河东。烽火当年多壮士，抛头颅洒血映天红。伟绩誉寰中。


家乡好，丽日正当空。改革迎来新天地，小康路上百花红。莺燕舞东风。

注：河东，指土地革命时期，皖赣边区河东县，即老革命根据地程家山。

小重山·春日浮梁郊野登山

日暖风和满目春。千峰堆锦绣，气氛氲。林间鸟语送清音。登临处，扑面尽芳芬。

野岭远嚣尘。萧萧风振叶，倍怡神。披襟绝顶看闲云。情何限，醉煞画中人。



浮梁无处不风光，熠熠明珠画里藏。

百里昌江碧波漾，四河流域稻花香。

城融山水腾佳气，地展新容着锦裳。

更有乡村莺燕舞，霞辉绿染尽芬芳。

——范希贤《浮梁新貌》



范希贤诗词

◇ 【故乡吟】

◇ 【友谊颂】

◇ 【亲情咏】

恭贺张老九十华诞

耄老遐龄九秩春，风流自是灿霞云。
高标立地浩然气，嘉祉惠民赤子心。
矢志求真延岁晚，初心永葆与时新。
寿如松岳福如海，百岁期颐鹤寿春。

注：张老，即张烈同志，浮梁人，土改老干部，曾任市人大常委会主任等多个市级主要领导职务。

恭贺宁老九十华诞

耄耋双双眉寿臻，晴霞夕照彩缤纷。
奉公守职君堪赞，气正风清谁与伦？
半辈辛劳报家国，耆年心雨泽来昆。
苍天眷顾延年寿，庆泰安康百岁春。

注：宁老，即宁昌本同志，浮梁人，土改老干部，曾任蛟潭区委书记，昌江区人大常委会主任等多个领导职务。

题赠马博维先生

风华壮岁敢擎云，事业萦怀历苦辛。
民瘼关情孚众望，心清律己鉴忠贞。
才雄志远宏图展，品正风高气节真。
鸿爪留痕人共仰，一生标格见精神。

注：马博维同志，浮梁人，曾任浮梁复县后第一任县委书记，历任新余市委副书记，新余市、景德镇市人大常委会主任多个领导职务。

题赠时连璋先生

怡然岁月风华好，耄耋舒怀乐晚晴。
壮岁从戎保家国，经年挥戟肃贪淫。
躬身事业沥心血，聚义人生豁朗襟。
劲节清风凝正气，夕阳笑对酒盈樽。

注：时连璋同志，军队转业干部，曾任浮梁县纪委书记、政协主席等职，全国纪检工作模范。

己丑新正，参加浮梁县迎新座谈会 赋七律一首，赠龙强、永昌同志（藏头诗）^①

龙翔凤翥任天高，强劲东风腾紫霄。

永续文明谱青史，昌言改革弄春潮。

为官一任民生系，政畅“四乡”基础牢。^②

有志共图兴伟业，方成正道显英豪。

注：①吴龙强同志时任浮梁县委书记，现任省政府副秘书长；
陶永昌同志时任浮梁县县长，现任市人大常委会副主任。

②“四乡”，浮梁县古以昌江支流东南西北河为域，分为东南西北“四乡”。

题赠浮梁县林群书记、孙艳峰县长

崛起浮梁势正豪，开来继往树新标。

林丰茂世昌鸿运，群力无边起大潮。

艳绽“四乡”皆丽景，峰披五彩尽妖娆。

东风骀荡云璈奏，捷步小康逐浪高。

注：林群同志时任浮梁县委书记，现任市人大常委会副主任；
孙艳峰同志时任浮梁县县长，现任市人大常委会副主任。

贺雄泰君荣任昌江区委书记（藏头诗）

贺言片语表心意，雄伟层峦晓色开。
泰岳岂如责任重，君家莫忘庶民怀。
荣华富贵云烟淡，任重程遥险阻排。
书剑皆成存远志，记持道义展宏才。

注：曹雄泰同志时任昌江区委书记，青年时期在浮梁工作多年，曾任浮梁县团委书记，笔者老同事。曾任多年景德镇市委常委，现任市人大常委会主任。

题赠金秋来先生荣任市政府参事

探花故里毓精英，奋勉人生夙志成。
赤子殷殷效桑梓，丹心灼灼恤民生。
辉光笃实存风范，淡泊清宁乐晚晴。
花甲将临履新职，层楼更上启新程。

注：金秋来同志，浮梁英溪人，曾任浮梁县委副书记，时任浮梁县政协主席。

题赠陈国清先生荣任 景德镇市委党校常务副校长

凌空健翮任翱翔，追梦何辞云路长。
面壁寒窗功不负，躬身职守志图强。
笔挥翰墨才华展，剑指邪淫豪气张。
知命荣膺正当令，愿君再发少年狂。

注：陈国清同志，浮梁人，时任景德镇市委党校常务副校长，
现任浮梁县政协主席，笔者老同事。

赞“最美老干部”吴木才先生

夕阳笑对焕云霞，奋勉人生气自佳。
鸿爪留痕誉桑梓，初心永葆伴生涯。
新苗滋哺施甘露，科技兴农惠万家。
老有所为真本色，壮心不已灿春花。

注：吴木才同志，浮梁人，笔者老同事。曾任浮梁政协副主席，
退休后长期担任浮梁关工委主任，老科协主席，荣获多项
全国和省市“老字号”先进集体和个人荣誉，被评为“江西最
美老干部”。

题赠胡辛老师

扬帆学海竞风流，博弈人生壮志酬。
绛帐耕耘沥心血，培桃育李谱春秋。
寄情笺素宏篇著，写意丹青硕果稠。
八斗才高中帼秀，红梅一剪誉神州。

注：胡辛老师，南昌大学教授，中国当代著名作家，时任南昌大学影视艺术中心主任。著有三十多部文学、影视著作，并荣获多项大奖。近年潜心陶瓷艺术，成绩斐然。笔者青年时期，在兴田小学工作时的老同事、老朋友。

恭祝乔文龙医师八十华诞

正茂年华初识君，从心仰慕谓师尊。
鸿儒风范大夫志，佳士情怀赤子忱。
劲节无声凝大爱，清风有意挽芳春。
躬逢华诞祝祥瑞，海屋添筹比寿椿。

注：乔文龙先生，上海华东医院主任医师，笔者的良师益友，曾为浮梁数十名患者诊治或安排诊治，医德高尚，医术高明，为人谦和，深得众人敬仰。

学诗——致良师益友晓寒先生

卸甲闲余雅兴浓，孰知诗国韵难通。
平平仄仄常迷惑，对对粘粘无适从。
幸遇程门常点化，欣逢师友细琢工。
拙章成卷自心慰，当谢先生引路功。

注：晓寒，即韩晓光老师，景德镇学院中文系教授，全国优秀教师，笔者老同事。曾为浮梁县三龙乡下放知青。

题贺浮梁诗词协会成立暨代表大会胜利召开

千年古邑风骚领，翰墨流芳百代雄。
大雅传薪弘国粹，高峰再现起图宏。
三贤湖畔谱新韵，五股峰巅唱大风。
吟帜高擎歌舜日，裁云镂月驭飞鸿。

年末岁首，题赠浮梁诗协郑会长并各位吟友

相期与共结良俦，诗海扬波共泛舟。
畅咏舒怀歌舜日，嚶鸣酬唱赋春秋。
人文赓续宏图起，国粹传承硕果稠。
更盼新年迈大步，竿头百尺上层楼。

题贺浮梁书协换届大会

古邑悠悠胜地雄，一方水墨漾春风。
群贤荟集风流甚，大雅传薪气韵闲。
盛世欣逢扬国粹，良俦结社驭征鸿。
挥毫饱蘸昌江水，纵笔抒怀绘彩虹。

受聘浮梁县老科协顾问感赋

忆昔风华重任肩，吾侪复县缔前缘。
蓝图共绘开新页，彩笔同挥著锦篇。
岁月峥嵘花甲过，时光荏苒鬓霜添。
不遗余力效桑梓，老骥挥鞭更向前。

赞浮梁诗教进校园

诗花植入校园中，园圃新栽花更红。
芳草香书传古韵，骚风吟雨洒春丛。
倾心开启少儿梦，鼎力弘扬大雅风。
信是有心功不负，人文古邑起飞鸿。

题贺浮梁武协《太极拳之路》出版

自古浮梁尚武风，传承百代史称雄。
时逢盛世筑新梦，欣遇尧天翥大鹏。
习武修身凝锐志，利民强国遂初衷。
高峰再现鸿图起，长剑追云驭彩虹。

题韩晓光老师《浮梁古代诗文选注》

圣封五品耀千秋，古邑多娇盛绩稠。
沃土丰饶乐安阜，人文荟萃尽风流。
物华才俊甲江右，瓷园茶乡誉六洲。
一卷华章留妙咏，浮梁远景待吟讴。

题贺浮梁县淳安移民五十周年庆典

几多感慨忆当年，为国抛家别故园。
岁月峥嵘风共雨，春秋砥砺苦犹甜。
汗珠挥洒拓荒路，双手掀开致富篇。
乐业安居圆好梦，层楼再上更无前。

赠同窗好友

风华岁月喜同窗，唱罢骊歌各一方。
君握钢枪保家园，我培桃李播芬芳。
别时立志存高远，相见衔杯话短长。
花甲归田常聚首，何妨彼此鬓添霜。

题老同事聚会

日暖风清三月天，友朋相聚倍怡然。
座中皆是老同事，时过难忘共比肩。
往事萦怀无憾意，清樽举酒尽开颜。
倾情共贺夕阳好，再谱新歌乐晚年。

感赋鹅中老三届同学合影旧照

回首当年气正豪，凌云壮志欲冲霄。
前行一任疾风劲，辗转方知荆路遥。
莫叹人生皆过隙，但期晚景更多娇。
且凭尔等腰身健，重九登峰步步高。

鹅中老三届同学聚会感赋

风华正茂喜同窗，追昔抚今意味长。
旧日时光虽荏苒，沧桑岁月未彷徨。
沐风栉雨当无憾，立业兴家各有方。
聚首莫谈成与败，且凭情谊赋新章。

似箭光阴一瞬间，相逢今日惜前缘。
当年轶事心头记，别后朋侪梦里牵。
白发渐生情未老，青春逝去志犹坚。
而今各有天伦乐，当与松椿比寿年。

流光岁月数春秋，相对何嗟白了头。
少小寒窗浮绮梦，耆年诗海泛新舟。
清宁觅得书中味，寡欲少添心上愁。
霞灿桑榆莫言老，夕阳笑对意悠悠。

和晨曦《玉田垂钓》

偶伴诸君画里游，玉田湖畔好垂钓。
有心静待鱼吞饵，无意随波泛小舟。
一坝横栏水天阔，三杯遥对野芳幽。
欣逢挚友生辰日，谈笑风生赏早秋。

附原玉：

三年两度玉田游，闲来湖边垂钓钩。
鹭影翩翩浮翠霭，波光滟滟泛轻舟。
柳风骀荡云天阔，禽语间关竹馆幽。
幸值生辰欣共享，持觞谈笑醉新秋。

步均安同学《画他》原韵赋诗一首

也曾沐雨历霜风，仆仆生涯一梦中。
山里走来知曲直，尘途辗转识西东。
劬勤甘享苦中乐，执着只为始有终。
解甲尚能锄老圃，桃源可否伴诗翁。

附原玉：

一蓑烟雨柳迎风，漫钓江湖尘世中。
懒看亭台花满地，愿敲平仄画桥东。
贤人养性专独悟，雅士积福善始终。
细数流年皆已矣，琴棋字画老渔翁。

依韵均安同学《老家》和诗一首

岭上居家正少年，结庐山畔似桃源。
无田无地无黄犊，听雨听风听响泉。
雾绕群山金竹翠，露滋洼地玉芽鲜。
人称我是山棚老，自得悠悠自了然。

附原玉：

梦里桃源别洞天，山村小调唱田园。
犁翻耙覆牵黄犊，树动风摇响老蝉。
曲水流急深浅去，横桥石拱假真圆。
乡愁旧忆今非昨，农艺机耕序井然。

题浮梁谷雨诗会暨诗协成立一周年

日暖风清三月天，雨生百谷润诗田。
吟俦结社周年庆，畅咏开怀赋锦篇。

浮梁谷雨诗会颁奖大会即感

三贤书屋聚群贤，共享浮梁谷雨篇。
更有少儿同获奖，校园诗教正挥鞭。

参观汪开潮等青年书法家陶瓷书法展感赋

千年瓷苑百花妍，大雅传薪启后贤。
醉墨琳琅龙凤舞，烟霞满壁展新篇。

注：汪开潮，浮梁兴田乡人，现任景德镇学院副教授，景德镇书法家协会主席。

诚谢香如故先生赐玉雅和

抛砖引得玉玲珑，堪羨先生雅韵风。
相约有期时日见，与君拜会觅真功。

注：香如故，即陈金来先生，浮梁诗词协会秘书长。

诚谢香如故先生为本人拙句赐墨

氤氲纸上灿春光，笔下生辉耐品尝。
流水行云龙凤舞，愧无佳作共芬芳。

观兴田乡知识青年上山下乡 五十周年聚会视频有感

如烟往事忆犹新，岁月荒唐莫较真。
下放回乡都一样，无穷乐趣在农村。
谁言岁月误青春，千古难求一代人。
改革卅年顶梁柱，未经磨砺岂成金。

谢冯云龙先生赠

《瓷源茶乡——浮梁导游》四章

吾本土生浮邑子，疏知浅识故园情。

冯君撰赠浮梁卷，导我悠然桑梓行。

人杰风淳举世闻，千年古县蕴清芬。

灯前细品浮梁事，毅魄忠肝青史存。

水绕山环紫气腾，峰峦叠翠古钟灵。

茶乡瓷国浮梁韵，风物清幽醉眼明。

改革春风拂大地，和谐康乐惠人民。

今非昔比浮梁秀，旧邑而今变靓城。

和晓寒先生《回乡吟》四首

稻浪风翻金穗香，丰收在望好时光。

相邀学友悠游乐，追昔抚今意味长。

情萦村寨忆当年，百里求知夙梦圆。

风雨寒窗存壮志，艰辛历尽苦犹甜。

越岭翻山曲径斜，行装自背远离家。

痴心圆得读书梦，何辞三餐咽菜瓜。

卅载光阴一瞬间，渐临花甲惜前缘。

同窗自有真情在，莫把前尘付忘川。

附原玉：

雁阵横空桂子黄，郊园又是好秋光。
当年故友今欢聚，旧梦重寻滋味长。

忆昔风华正少年，辞家插队意翩翩。
艰辛历尽情犹壮，鸿爪重看兴盎然。

门巷依然曲径斜，几回梦里到张家。
半畦蔬圃今犹在，难忘篱边学种瓜。

廿载光阴弹指间，风流云散且随缘。
而今各有天伦乐，莫把艰辛付忘川。

醉花阴·同学聚

唱罢骊歌何处走？壮志冲云斗。风雨路茫茫，
梦醒方知，已是黄昏后。

也曾坎坷仍坚守。往事堪回首。老退遇尧天，
霞彩重重，唯盼康而寿。

沁园春·致鹅中老三届同学微信群

五十年前，三届同窗，缘聚鹅中。听一声号令，不分男女，“四个面向”，各奔西东。步履铿锵，精神抖擞，勇往直前唱大风。堪追忆，有酸甜苦辣，回味无穷。

兴来网上相逢。谢群主诚邀微信通。共抚今追昔，心灵互动；嘘寒问暖，情感相融。树展新桡，梅开二度，往事忧欢一笑中。当自重，惜桑榆丽景，霞彩重重。



百里昌江百道弯，一泓碧水袅晴岚。
波翻浪滚奔流急，雾绕云浮翠靄环。
不尽涛声追大海，无边风物锁关山。
徽饶水道古丝路，擂鼓潮头又一滩。

——范希贤《百里昌江》




春风骀荡柳含烟，赤绿黄橙百卉妍。

昌水盈盈腾碧浪，林峦郁郁衬蓝天。

千年幽韵千村秀，百里葱茏百鸟喧。

旖旎风光生态美，山乡无处不桃源。

——范希贤《生态浮梁》



范希贤诗词 【故乡吟】

◇ 【友谊颂】

◇ 【亲情咏】

题续修《范氏家谱》兼示子侄

炎黄儿女本同宗，一脉相承皆姓龙。
续谱千年崇懿德，传薪百代继高风。
修身常诵希文赋，立志当为天下公。
踵武前贤齐蹈厉，中华崛起屹天东。

清明节回乡祭扫父亲墓

漫山叠翠花千树，暖日春风沐万家。
祭祖心如原上草，思亲情寄杜鹃花。
为忠尽孝难双美，玉树芝兰莫漫夸。
肃立墓前思绪渺，慎终追远惜年华。

为慈母八十五岁生日作

慈萱八五喜初度，体健神清心地淳。

半辈辛劳茹味苦，一生俭朴济家贫。

笃仁自律瑞祥至，厚德随缘眉寿臻。

四代同堂天伦乐，桑榆晚景彩缤纷。

诉衷情·为慈母八十八岁生日作

秋高气爽又重阳，煮酒共飞觞。躬期萱老眉
寿，百岁乐安康。

尊长辈，孝高堂，理应当。慈恩似海，情比
天长，没齿难忘。

端午节回乡省母

扑面清风艾叶香，龙舟竞渡鼓声扬。
为儿急奔回乡路，好与萱堂话暖凉。

粽香五月过端阳，户户家家艾插墙。
佳节而今成法定，雄黄美酒醉心房。

感赋与新中国同龄

呱呱坠地正天明，天赐良辰应运生。
甜水甘滋丰羽翼，红旗引领踏征程。
初心不忘平生志，使命常怀退食身。
慈母殷殷恩似海，一声万岁表深情。

生日自述

生性甘为孺子牛，风来雨去不言愁。

转蓬半辈竭心志，求索几番到白头。

解甲常怀家国事，归田未忘庶民忧。

锄禾夏月曾当午，秉笔何辞趁晚秋。

卜算子·儿响华、媳冬艳婚后首次双双回家过年

响雨送春归，华夏迎春到。冬孕幽芬百卉苏，
艳绽红梅俏。

喜看旧家园，处处呈新貌。佳节团圆共举杯，
老少齐欢笑。

孙女出生，欣喜万分，感而赋之

短信频频佳讯传，心潮腾涌顿开颜。
凭栏远望心花放，枕梦索思夜未眠。
喜得娇孙顺天意，开怀把盏醉心田。
新苗茁壮遂人愿，借得春风信有缘。

乳燕飞·作于孙女两岁半

阿布真乖巧。脸圆圆，红唇粉靥，眼开眉俏。
别看她，幼龄宝宝，兴趣多多喜好。看电视，
自调频道。爱点孙猴和巧虎，见唱歌跳舞连称好。
拍拍手，学着跳。

爷爷奶奶退休了。恰逢时，娇孙尚幼，正需
调教。千里不辞申城赴，夕夕朝朝照料。盼只盼，
吉星高照。借得春风和润雨，哺新苗茁壮佳祥兆。
心切切，梦中笑。

阿布两周岁生日作

聚丰湖畔柳风轻，鹊唱枝头报好音。

宝宝生辰合家乐，欢歌笑语享天伦。

开心宝宝乐悠悠，吃睡香甜玩兴稠。

小脸圆圆霞灿灿，足蹈手舞笑声柔。

两岁孩童悟性强，好奇好问兴飞扬。

痴迷《巧虎》神情注，古韵新谣背数章。

兰蕙芳菲滋雨露，新苗茁壮扎根深。

怡然好赋耕耘乐，一曲心歌勉冢孙。

注：阿布，孙女乳名。《巧虎》，儿童动画片名。

题孙女七周岁生日

朝曦冉冉灿霞云，蝉唱莺鸣杨柳新。
兰蕙芳菲滋雨露，新苗茁壮沐华春。
童心诵咏童心悦，稚笔涂鸦稚气真。
乳燕待时舒玉羽，腾飞更盼翥鹏鲲。

寄语外孙女上大学

年方十六正芳春，旭日东升逐彩云。
豆蔻年华怀远志，迢迢千里入春申。
学海求知萦苦辛，潜心数码地天新。
愿孙不负家人望，更待连连佳讯频。

临江仙·送外孙女赴读上海大学

豆蔻年华如日灿，芳龄十六春秋。心仪绮梦志方遒，书山探曲径，学海泛新舟。

千里之行启新步，条条大道通幽。百花园里百花稠，征鸿展羽翼，学子竞风流。

赴上海看望孙女

鹊闹莺鸣报好音，茶花开罢柳枝新。

萦怀枕梦小阿布，驱驾何妨千里奔。

风清日朗赴春申，相聚高楼三代亲。

夜半挑灯人自醉，吟诗赠与小娇孙。

携孙女游上海灵石公园

姹紫嫣红四月天，携孙灵石漫游园。
追花捕蝶童心乐，我且抒怀赋少年。

接送孙女上学有感

朝夕飘飘闹市中，老来偏爱做书童。
日行十里不辞累，唯盼春花映日红。

新年寄语——示孙

岁月流金与日新，寸金难买寸光阴。
少时当惜寸金贵，秉笔勤耕莫分心。

庚子夏月回上海

人在家山心系孙，几回梦里入春申。
天年爱享天伦乐，甘作书童累此身。

朝辞故里起新程，滚滚长龙载我行。
千里迢迢何谓远，归心早已入申城。

日丽风清杨柳津，春花谢去夏花新。
高楼相聚合家乐，济济一堂三代亲。

宅家数月意朦胧，梦里飘飘闹市中。
此去申城重上岗，复工还是做书童。

我和孙女皆为己丑夏月出生。岁秩轮回，前几天我年满七十，孙女画了个仙桃，给我祝寿，今天又迎来了孙女十周岁生日。高兴之余，聊吟短句，以表情怀

岁逢己丑意悠悠，难得爷孙皆属牛。
更盼孙儿多励志，耕风耘雨不言愁。

朝霞溢彩庆生辰，一曲心歌勉小孙。
学海无涯舟竞渡，好儿当惜寸光阴。

都夸阿布小精灵，画个蟠桃献寿星。
恭祝爷爷古稀庆，合家老小乐盈盈。

稚笔涂鸦亦动人，芙蓉出水倍清新。
一花一草寻常物，纸上氤氲似有神。

喜得外曾孙即感

微信频频报佳讯，良辰天赐得曾孙。
同堂四代始今日，喜在眉梢乐在心。

生日自题

爷孙同日度生辰，爷咏诗词孙习文。
命相皆因秉牛性，不需鞭策自耕耘。

注：本人1949年农历六月初五出生，孙女2009年阳历7月14日出生，2021年这一天，两个日子相重，因以赋之。




新春塔里又重游，雨霁云开峰影柔。

两腋生风忘舍得，一杯在手任沉浮。

啾啁禽语催诗思，荡漾泉流涤杞忧。

识得山中滋味好，心清意惬复何求？

——韩晓光《重访塔里古村品茗感怀》



韩晓光诗词 【绝句】

◇ 【律诗】

◇ 【词曲】

◇ 【楹联】

春日乡居杂咏

阳春三月，与毕业班学员共赴蛟潭实习。小住乡间，别有佳趣。田边陌上，春色宜人，春声悦耳，遂以写生笔调作《乡居杂咏》绝句八首，聊以遣兴抒怀。

春来洲上草芊绵，村外清溪绕远阡。

雨后郊原生意满，菜花铺锦柳烘烟。

乡居三月足清欢，户外清溪绕曲栏。

最爱田家风味好，笋芽新韭饷春盘。

炊烟袅袅漫村寮，滟滟清波蘸柳条。

三两牧童斜照里，倒骑牛背过溪桥。

东风处处染桑麻，禾垛牛栏绿树遮。

亭午村边人寂寂，轻风满地落桐花。

篱落参差半掩扉，园蔬挹翠蝶纷飞。

浣衣村女归来早，相唤溪隈采蕨薇。

三月东君芳信催，梨花未谢豆花开。
踏青行倦溪头卧，莺语间关入梦来。

滟滟清波漫柳塘，纷纷莺燕织春光。
野桃经雨娇无那，慵向东风引蝶忙。

连朝风雨喜初停，鸥鹭姗姗落野汀。
莫恨春残无好景，菜花成荚稻秧青。

暮春偕友人游浮梁山村

迤迤峰峦列翠屏，昌江宛转绕芳汀。
阑珊花事休嗟叹，欣看连阡菜荚青。

陌上风柔燕影斜，妇姑相唤采春茶。
一泓溪水山边过，映出缤纷两岸花。

多谢东君着意裁，山乡处处画图开。
平生自有园田癖，散策何需布谷催。

玉田湖垂钓

清秋垂钓坐汀洲，峰影弥蒙翠霭浮。

水面风来微浪起，飘然恍似泛扁舟。

飘然恍似泛扁舟，相伴翩翩数白鸥。

莫道浮标无起落，持竿静赏一潭秋。

持竿静赏一潭秋，风物怡情好忘忧。

钓得游鳞三五尾，块然自足坐矶头。

块然自足坐矶头，山色波光一望收。

又得浮生闲半日，清秋垂钓坐汀洲。

壬寅花朝节赴乡村赏菜花

东风催我陌间行，雨霁云开酿嫩晴。
千亩菜花迎远客，欣看蝶舞听蜂鸣。

欣看蝶舞听蜂鸣，山畔芳茵一望平。
绿浪无边浮锦缎，天梭几度织能成？

天梭几度织能成？日映黄花耀眼明。
步入芳丛更深处，微风拂袂送莺声。

微风拂袂送莺声，一任西山暮靄萦。
莫负阳春好烟景，东风催我陌间行。

清秋夜偕友人宝石码头赏月

云散天清似镜磨，孤星一点伴姮娥。

邀朋同赏秋江月，桥影灯辉映碧波。

桥影灯辉映碧波，风摇花树舞婆娑。

江心宝石今犹在，遥忆唐英玉笋歌。

遥忆唐英玉笋歌，韶光荏苒去如梭。

清风朗月年年在，唯有芳华逐逝波。

唯有芳华逐逝波，莫教一日等闲过。

今宵沉醉难离去，云散天清似镜磨。

清秋偕友人游港北古村

雨润郊原翠色新，秧针织翠已成茵。

山村秋霁清凉甚，鹭影翩翩掠水滨。

绿秧点破鹭相亲，伫望川原满目新。

更喜昨宵秋雨霁，驱将炎暑涤嚣尘。

寻溪还听滩声急，翠竹交加绕水滨。

卅六金阶遗址在，不教岁月掩风尘。

看竹邀花作比邻，溪边独坐惜良辰。

渔郎一去无消息，此处桃源可问津？

南河堤畔寻春行吟

陌上春回草亦馨，清江倒映影伶俜。

东风拂煦情怀惬，觅句浑忘日已暝。

觅句浑忘日已暝，何妨宴坐竹边亭。

纷纭世事如苍狗，唯有南山不改青。

唯有南山不改青，堪嗟心似水中萍。

汀边幸得鸥为侣，相伴相亲意渐宁。

相伴相亲意渐宁。净心澄虑暂忘形。

寻芳何事归来晚？陌上春回草亦馨。

应乡村友人相邀重游浮北山乡

一路车行绕翠微，山川草树浴晴晖。
菜花零落春光暮，怅望江头柳絮飞。

山村探访觅清欢，坐对窗前竹几竿。
最爱田家风味美，溪鱼蕨笋饷春盘。

风定溪光映粉墙，山村处处茗飘香。
归途小憩峰头立，且听莺声送夕阳。

秋日偕友人重攀前程古道

落叶铺阶识旧身，秋山风物最宜人。
倦行小憩溪间石，且漱清泉濯俗尘。

空山古道少人行，一路清溪相送迎。
莫道登攀无止境，虔诚可望有前程。

悠悠不尽是乡愁

——应约为昔文君乡土系列散文题咏

瑶里

瑶河如镜映云光，两岸山村画里藏。
漫步长桥难舍去，熏风阵阵送茶香。

县衙

不教岁月掩风华，享誉江南第一衙。
历代兴亡谁见证？巍巍红塔映朝霞。

高岭

廊碑漫漶藓苔侵，高岭传奇何处寻？
人影碓声今渺杳，接夫亭畔久沉吟。

沽演

风华旧梦掩荒丘，古邑遗踪苦探求。
沧海桑田多变幻，昌江流尽几春秋？

清溪

村舍参差傍水湄，鸬鹚千百掠波飞。
田家亦有渔家乐，短筏轻篙满载归。

港北

港北山村古韵长，龙溪槐岭历沧桑。
舟行喜趁东风暖，直挂云帆更远航。

注：港北村形状如舟船。

严台

驰名四海誉浮红，自是天祥夺冠雄。
富春桥下清波绿，令人长忆子陵风。

沧溪

石径蜿蜒接古津，桂香篁影漫江滨。
当年克己堂前月，犹照蜚英坊里人。

英 溪

翠木修篁掩古村，秣侯勋业自长存。
探花故里流芳远，懿范千秋泽后昆。

磻 溪

风尘难掩旧繁华，昔日茶香飘海涯。
重访磻溪寻古韵，古楠亭畔品“仙芽”。

朱埠头

犹忆当年朱埠头，长街酒肆傍茶楼。
乡情恰似南河水，游子深宵梦里流。

三 龙

三龙戏水地钟灵，两岸平畴稻菽青。
古埠长街遗迹在，青山依旧晚风馨。

龙 池

幽岩洞外隐龙池，久旱曾祈霖雨滋。
世事苍黄历三竭，此中消息更谁知？

湘 湖

频年风雨任飘摇，功德长铭万岁桥。
今昔文明交汇处，南河后浪涌新潮。

楚 岗

万竿翠竹拂清风，晚稻铺金枫叶红。
试上楚岗抬望眼，遍山霜柿挂灯笼。

城 门

毗连两省一江村，昔日帆樯绕岸津。
昌水悠悠流不尽，千年古邑又逢春。

西河

西河风物久驰名，古渡舟帆相送迎。
伫立南溪石桥畔，犹闻书院诵诗声。

龙潭

园田村舍远尘寰，四面修篁古木环。
诗意栖居清静地，身心宛在水云间。

寿安

当年窑火映长洲，舟楫联翩古埠头。
石碓声声春岁月，南河烟水酿乡愁。

宝积寺

庄严宝刹傍江浔，净土晨昏袅梵音。
闻道三贤留胜迹，千秋佳话播禅林。

进坑

村头溪水日潺湲，石径犹存旧辙痕。
山麓依稀窑址在，进坑自古是陶源。

江村

江村暇日赏风华，朝沐初曦夕送霞。
闲坐亭中邀父老，开怀把盏话桑麻。

胡宅

闾巷幽深掩翠筠，粉墙黛瓦隔嚣尘。
山居自爱田园乐，长作桃花源里人。

礼芳

碧水悠悠绕礼芳，波光倒映马头墙。
清心夏日亭边坐，菡萏风飘满畷香。

鹅湖

鹅湖风物最怡心，稻浪翻金漫远岑。
乡间秋韵浑如醉，几度归来梦里寻。

臧湾

十里金铺名远扬，人文教化久流芳。
繁华遗梦今何在？暮霭轻笼百岁坊。

南市街

唐珍宋玉久沉埋，窑火映红南市街。
往事风流云散尽，辉煌重铸仗吾侪。

仙槎

为寻古道访仙槎，竹木参天曲径斜。
登上山亭凭远眺，田园如画沐晴霞。

勒 功

菽麦青青漫远畴，迎官阁上紫烟浮。
金莲山麓双峰塔，阅尽人间几度秋。

桃 墅

绕碧三溪风物殊，逶迤古道接通衢。
丹枫化作如椽笔，绘就茶乡锦绣图。

旧 城

旧城难觅旧时痕，市井烟云梦里存。
莫吊尘踪伤往事，雄风重振待来昆。

浯 溪

花洲柳岸落鸥鳧，云影天光映碧湖。
佛印归来应笑慰，故园今日起宏图。

流 口

清河桥影久沉沦，世事兴衰若转轮。
犹忆当年流口市，舟帆迤迤绕江津。

南河古道

遥想前朝古道中，车声人语漾清风。
而今重入云深处，唯见山花烂漫红。

朱家营

朱家营里话朱迁，开国功勋众口传。
遗泽长存荫后世，七溪瓜瓞久绵延。

美 食

美食浮梁誉古今，佳肴细品酒频斟。
休言小吃家常味，梦里魂牵游子心。

雨中偕友人重游高岭

水口亭边观泄洪

雨霁青峰岚靄封，苔侵古道杳人踪。
迎风久立桥亭畔，俯瞰山溪泻玉龙。

雨中撑伞游花海

又值人间四月天，山乡花海望无边。
赏心一任衣衫湿，冒雨凌风兴盎然。

应邀偕老年大学诗友重游东埠、瑶里， 归来遵嘱吟成短句四首纪行

东埠古街

当年舸舰绕江津，古埠沧桑几度春！
昔日繁华何处觅？桥边无语独低吟。

绕南古村

廊桥横卧水云间，两岸峰峦耸翠鬟。
犬吠鸡鸣波影里，令人能不忆乡关？

梅岭古道

盘旋石磴入青岑，落叶铺阶秋意深。
携侣登高情自惬，何妨微雨湿衣襟。

瑶河夜色

河边漫步晚风馨，耳畔唯闻流水声。
隔岸华灯飘彩练，此身恍若在蓬瀛。

新正山乡途中见陌上菜花感赋

荣谢兴衰自有时，随缘乘化总相宜。

立春才过两三日，陌上花开已满枝。

陌上花开已满枝，春风轻拂雨频滋。

东君似觉光阴迫，有意催花不肯迟。

有意催花不肯迟，催花陌上展芳姿。

寻春心盼春来早，好趁良辰赋小诗。

好趁良辰赋小诗，情怀依旧更谁知？

人生珍惜唯当下，荣谢兴衰自有时。

浮梁乡村踏青记游

踏青陌上梦犹萦，漠漠春阴久未晴。

长盼云开风日朗，郊原散策听鸧鶒。

郊原散策听鸧鶒，肯负阳和烟景明？

闲趁春风采芳去，禽声一路伴溪声。

禽声一路伴溪声，独向兰皋觅芷蘅。

行尽山蹊谁伴我？且邀鸥鹭续前盟。

且邀鸥鹭续前盟，坐对青山意自宁。

枕畔忽惊风雨骤，踏青陌上梦犹萦。

暮春三月，群友相邀重游昌江源头

鲁溪湾

熏风频送野芳馨，一路车行入画屏。
最爱鲁溪风物好，修篁古木掩廊亭。

碧桃村

篱边新笋绽芳丛，粉蝶参差绕圃菘。
踏遍山村人迹杳，黄花寂寞舞东风。

十八湾

隔岸青山耸翠鬟，波间汀屿落鸥鹇。
此行何处风光好，应数昌江十八湾。

倒湖

草色花光染翠微，柔波轻掠白鸥飞。
多情最是昌江水，一路相随送我归。

归来感赋

群友相邀值晚春，山乡风物最宜人。
穷通得失浑忘却，赢得浮生自在身。

清秋夜洪源雅集

年年邀客共吟觞，多谢主人情意长。
我愿诗心似明月，清光同沐莫相忘。

又值清秋雅集时，佳肴鲜果酒盈卮。
良宵诗友同欢聚，酬唱何妨月上迟。

中秋既望聚山乡，庭院风飘桂子香。
皓月当空天似水，联吟不觉露沾裳。

深宵渐觉晚风凉，共品清茶齿颊芳。
更有琴音清肺腑，此身恍若在仙乡。

三载清秋共举觞，微风频送木樨香。
但祈佳会年年有，共沐蟾光续锦章。

空庭静听七弦操，仰望中天月渐高。
弹罢平沙落秋雁，轻风一缕拂林梢。

古村胡宅十景

山房幽韵

山村深隐一山房，翠竹森森绕粉墙。
昔日弦歌声渺杳，庭花犹自沁书香。

桃谷春风

青帝何须着意催，夭桃千树绽芳腮。
游人心醉春风里，日暮流连不忍回。

胸有成竹

阅尽沧桑傲碧穹，枝繁叶茂腹中空。
风霜雨雪浑不惧，自有青葱竹在胸。

山亭撷翠

朝听林樾鸟啁啾，暮看层峦翠靄浮。
待得风清月明夜，亭中把酒纵吟讴。

连理情深

千秋并立互交枝，连理情深天地知。
自是香樟堪羡慕，频年红豆慰相思。

义结金兰

相依相伴立青冈，共沐煦阳抗雪霜。
好似桃园三结义，不离不弃谊深长。

陂塘荷风

堤畔芳蹊绕绿篁，风摇云影映波光。
邀朋品茗斜阳里，菡萏香飘半亩塘。

双溪观鱼

石桥横卧枕溪流，嬉逐游鳞浪里浮。
会得濠梁庄子意，静观鱼乐可忘忧。

双墩拥翠

绿树荫笼两印墩，沧桑历尽古基存。
上中寓有先贤意，百代绵延启后昆。

双溪簸月

两溪交汇绕芳茵，林合参差傍水滨。
最爱稻香蛙鼓夜，波光闪闪漾冰轮。

孟夏陌上行吟

山乡四月渐春归，满畝秧青菜荚肥。
却爱斜阳新雨后，微风轻舞楝花飞。

芳郊雨后遍桑麻，剪掠春波燕影斜。
莫叹东君归去早，菜花看尽看榴花。

池塘亭午闹群蛙，檐外阴浓啼乳鸦。
春意阑珊何处觅？溪头点点野蒿花。

廿番花信去匆匆，杜宇声声唤晚风。
薄暮篱边疏雨过，蔷薇香透野芳丛。

为智晓君题瑶里山居图

瑶里山居野趣多，峰峦叠翠势嵯峨。
清江宛转门前绕，唯少矶头一钓蓑。

路仄何妨拄杖行，云烟岩畔听泉声。
空山孤影谁相伴？雪练飘飞扑面迎。

霜风昨夜过园林，染就楼前一树金。
想见飘摇秋叶坠，万千黄蝶舞芳茵。

屋后青山列翠屏，阶前江水绕芳汀。
月明星静三春夜，风送花香入户庭。

初春山村访友口占

山村访友值良辰，倍感殷殷情意真。
赠我野兰初绽蕊，相看疑是对佳人。

上巳水滨观垂钓

上巳风光最可人，郊原荠麦绿如茵。
湖边垂钓当修禊，不负烟花旖旎春。

金秋玉泉雅集再咏

荷塘堤畔敞华筵，诗侣金秋聚玉泉。
待看荧屏今夜里，清音联咏续前缘。

清音联咏续前缘，莫负深秋风物妍。
且向座中分雅韵，好题佳句满云笺。

好题佳句满云笺，各骋才情兴盎然。
今日留存鸿爪印，他时展卷动心弦。

他时展卷动心弦，遥忆山阴慕昔贤。
相约来年修禊日，荷塘堤畔敞华筵。

咏严台二桥

富春桥

钓矶千载卧溪中，桥影横波雨后虹。
尘世沧桑多怅叹，令人长忆子陵风。

庆云桥

花繁杏苑忆前朝，志系悬壶胜珥貂。
妙手回春蜚上国，庆云长护庆云桥。

初春游金竹山陡岭村

携侣寻幽陡岭村，山清水秀古风存。
园蔬腊肉好风味，多谢田家饷午飧。
新春陌上沐初阳，蹊径逶迤掩翠篁。
攀上峰巅抬眼望，云烟深处隐山庄。

下放三龙乡村四时记趣

朝入深山薄暮回，疗饥幸有野杨梅。
松榛斫就泉边憩，耳畔时闻啼鸟催。

一钩新月吐烟华，笑语庭轩柘影斜。
露野萤飞蛙鼓集，清风半夜稻扬花。

满地银霜白雾低，五更月落晓鸡啼。
耜沟浇水疏篱下，一寸蕉心寄菜畦。

柴棚围坐火炉红，冬夜听书兴未穷。
道罢茅庐三顾后，熹微曙色透窗棂。

寻春吟草

村畔幽居绿树环，檐前流水已潺潺。

寻春无奈霏霏雨，独坐南窗静看山。

青山雨过拥晴岚，日暖风清逸兴酣。

陌上采芳归去晚，蕨苗新笋满筠篮。

青蒲出水吐新芽，溪涧西流感物华。

疑是今春芳信晚，枝头初绽杜鹃花。

云影天光映碧流，菜花荠麦满汀洲。

夕阳野渡无鸥鹭，风荡空舟自转头。

花朝过后近清明，骀荡春风酿嫩晴。

见说西郊花事好，子规催我又山行。

堤外烟村三两家，桑麻绕屋树交加。

柳风池畔莺声软，宴坐何妨日已斜。

漠漠春阴晚未开，踏青江畔独徘徊。

多情还数双飞燕，又逐东风细雨来。

东风染柳雨催花，芳草萋萋遍水涯。

踏遍芳郊归思懒，坐看新雁落平沙。

远山凝黛水拖蓝，短筏青蓑波影涵。

十里长堤烟柳淡，微风轻送燕呢喃。

桃李春风又一年，依稀旧梦已如烟。

此身长作溪山客，心系青峰绿水边。

陌上行

飞絮蒙蒙漫草塘，困人天气日初长。

踏青陌上行还倦，笑问农家漱井香。

暖日烘烟水漫陂，菜花似锦灿疏篱。

倦吟且藉青莎卧，梦里依稀听子规。

溪畔榛丛着意探，竹林深处袅晨岚。

采芳村女归来早，露湿春衫笋满篮。

几椽茆舍傍溪崖，绕屋蔬畦竹影斜。

还羨农家芳讯早，案瓶新插野蒿花。

郊原雨后柳风轻，独坐湖边爱晚晴。

山色波光静无语，唯闻“泼刺”跳鱼声。

草花点点缀芳坡，独钓黄昏野趣多。

水面风来光影动，纶丝轻漾半湖波。

草花点点缀芳坡，独钓黄昏野趣多。
水面风来光影动，纶丝轻漾半湖波。

云光峰影映清流，柔橹轻歌且荡舟。
应是南风知我意，悠悠吹梦到西洲。

秋日茶宝乡山行

山乡秋色浑如醉，晚稻铺金霜叶彤。
枳引清泉绕菘圃，风摇瓜蔓逗吟蛩。

农家即景

堤上垂杨曳绿裙，溪头雏鸭渐成群。
蔬畦雨后花争发，绕屋禽声梦里闻。

丁亥仲春山乡纪行

踏青路上

花朝节后渐清明，换著春衫陌上行。
案牍忧烦浑忘却，禽声听罢听溪声。

兴田踏青归途口占

绿水潺湲抱野村，春山暮色最销魂。
归途一霎催花雨，洗净峰头月一痕。

前程村山行道上

踏过三桥幽径长，野芳簇簇映松篁。
樵花如雪漂春涧，流到村头水亦香。

注：三桥，村前后有护秀、护源、步云三座古桥。

山村春晨

布谷催耕燕啄泥，风吹田水泛青畦。
夜来雨洗新秧翠，禾垛篱边啼晓鸡。

春郊散策

云光山色弄晴柔，芳坞春深古寺幽。
野岸无人钟磬寂，闲看兰渚落轻鸥。

春来竹树掩芳洲，玉笋嵯峨伫碧流。
风定犹疑峰影动，一声欸乃过轻舟。

楝花风淡柳烟低，芳草年年绿绕堤。
向晚踏青人渐杳，林间宛转听莺啼。

连日霏霏榆荚雨，忍看桃杏委泥苔。
清明却喜野芳发，越女香腮引蝶来。

瑶里山乡秋日黄昏即景

炊烟暖暖漫柴扉，红树青山黯夕晖。
垅上牛归人影乱，一声长笛晚风微。

回首迢迢石径斜，烟村远树绕归鸦。
披襟五股峰头立，笑掬西天一片霞。

储田乡春行

一路岚光接水光，春风百里菜花香。
溟蒙雨霁天如洗，笑倩青山入画廊。

陌上声声啼子规，秧针铺翠晓风吹。
芹泥雨润飞雏燕，衔得春光到庀楣。

花漫平畴水漫堤，春来处处动铧犁。
人勤不用催耕早，陌上空劳布谷啼。

清溪一曲板桥横，檐外青山绿映楹。
半亩蔬畦数竿竹，幽窗宛转听莺声。

瑶里山乡品崖玉新茶喜作

瑶乡三月踏青行，燕语声声报嫩晴。
最是令人留恋处，卧龙潭畔茗香清。

崖玉佳名四海扬，当年白傅赋浮梁。
三杯细品尘嚣远，两腋清风齿颊芳。

戊子花朝日踏青韩源村

春寒不定雨潇潇，且踏芹泥过板桥。

秀野参差铺翠锦，莺声啾啾报花朝。

何妨冲雨涉春湍，一任山风料峭寒。

行尽芳蹊不知倦，溪边岩畔觅幽兰。

山桃野柳竞芳姿，陌上寻春步履迟。

悄立花间听细雨，声声催我赋新诗。

春分才过又花朝，二月东风染柳条。

雨过芳郊沙径软，禽声一路送归樵。

酒家廊榭傍江开，野蕨溪鱼入馔来。

难却主人情意重，清茶代酒两三杯。

芳草芊绵染钓矶，青山湿翠晚风微。

汀洲独坐谁为伴？一鹭翩翩掠岸飞。

菜花满畝灿如金，村外溪声伴鸟吟。

雨后池塘春水漫，白鹅三五泛波心。

桃花半落菜花开，碧藓春深护井台。

新韭一畦菘数垄，黄昏犹有蝶飞来。

薄暮云开喜晚晴，江边漫步踏莎行。

青峰影漾清波里，一路春风送鸟鸣。

偕友人雨中寻芳峙滩江边

清江如带绕平芜，两岸烟村似画图。

待得赋闲三载后，青山肯我结庐无？

轻寒不定雨如丝，未碍寻芳步履迟。

竹下连泥拔新笋，滩头撑伞捡螺蛳。

庚寅暮春浮梁山乡行吟

金竹村边撷笋

任他荆棘挂衣襟，峰畔蹊边着意寻。
雨霁山林风日暖，参差新笋绽春岑。

峙滩江畔寻芳

川原处处沐春晖，陌上芳丛乳燕飞。
桃李成荫花事了，赏心犹有野蔷薇。

江村严台访古

富春桥下暮烟笼，春已阑珊梦亦空。
水远山高千载后，令人长忆子陵风。

注：相传东汉严子陵曾隐居于此。范仲淹《严先生祠堂记》：
“云山苍苍，江水泱泱。先生之风，山高水长”

英溪河畔赏鱼

游鳞翕忽碧波中，花影朦胧漾晚风。
鱼乐应知余亦乐，濠梁妙趣两心同。

注：庄子与惠子游于濠梁之上。庄子曰：“鲦鱼出游从容，是鱼之乐也。”惠子曰：“子非鱼，安知鱼之乐？”庄子曰：“子非我，安知我不知鱼之乐？”

鹅湖陌上观农

村边布谷唤春晴，远近吆牛陇上耕。
最爱山乡三月暮，陂塘水漫柳风轻。

沧溪村前遐思

石径依稀接古津，桂香篁影漫江滨。
蜚英坊下池中月，曾照汉家朱买臣。

勒功古街感怀

迎官阁下草青青，往事如烟逐转萍。
武穆当年铭石处，新秧菜荚满芳汀。

曹村道中看山

不负三春雨露滋，浓青浅绿竞芳姿。
山行一路莺声啭，催我归来好赋诗。

清明游洪源村

春日山乡翫物华，浅青嫩绿树交加。
陂塘水漫桥浮影，坐听禽声数落花。

作客农家途中遇雨

叙旧何妨去路遥，踏泥冲雨趁春朝。
田家饷我佳肴美，腊肉新菘炒蕨苗。

辛卯仲春山乡履痕

鹅湖山前观菜花

寻芳独自渡春江，油菜摇风压垄黄。
晚日西沉难舍去，闲吟花海漫徜徉。

王港村边听莺语

莺啼睨睨引东风，柳媚花娇春意融。
秀野踏青新雨霁，一丸落日透林红。

峙滩江畔访农家

采芳又作峙滩游，野艾溪芹遍蓼洲。
鲜笋河鱼佳馔美，田家风味醉心头。

蓝田湖畔携侣游

湖边草树碧森森，陌上繁英灿若金。
最爱呢喃双燕子，穿花度柳送清音。

辛卯金秋山乡行吟

偕友人访高岭金杨村

报恩桥下水粼粼，崦里孤村远市尘。
峰绕绿云人迹杳，独留老妪守松筠。

高岭归来田家晚餐

鹅湖山下渐黄昏，且入田家共晚飧。
闲话桑麻茶一盏，溪鱼蔬笋酒盈樽。

驱车浮梁道中口占

窗外微风拂嫩凉，斑斓秋色染山乡。
垄头稻菽浮金浪，芦白枫丹野菊黄。

暮春陌上看花吟

山乡四月渐春归，满畝秧青菜荚肥。
却爱斜阳新雨后，微风轻舞楝花飞。

芳郊雨后遍桑麻，剪掠春波燕影斜。
莫叹东君归去早，菜花看尽看榴花。

池塘亭午闹群蛙，檐外阴浓啼乳鸦。
春意阑珊何处觅？溪头点点野蒿花。

廿番花信去匆匆，杜宇声声唤晚风。
薄暮篱边疏雨过，蔷薇香透野芳丛。

秋日偕友人游浮东港口村

又是枫丹露白天，远山凝黛泛轻烟。

仙梭织就园田锦，晚稻翻金野卉妍。

村舍逶迤倚岸排，家家临水净无埃。

井边菘圃交加翠，篱畔秋英烂漫开。

犬吠鸡啼隔水滨，晴岚如带绕杉筠。

何时长作山居客，不羨桃花源里人。

源港古村新十景

笔峰览胜

笔峰高耸势崔嵬，栈道萦纡上九垓。
绝顶凌风舒望眼，园田锦绣画图开。

双虹卧波

双桥相望枕清流，水面云光峰影浮。
待到月明三五夜，携琴共泛木兰舟。

家园遗韵

家园旧梦此中留，耘雨耕风几度秋。
莫谓寻常无足道，一蓑一笠蕴乡愁。

江亭品茗

江边小憩赏风华，朝沐初曦夕送霞。
闲坐亭中邀父老，开怀把盏话桑麻。

蓬岛仙居

一湾碧水绕汀洲，花木葱茏风物幽。
了却纷纭身外事，暂栖蓬岛侣闲鸥。

篝火欢歌

中庭篝火映长天，良夜风清皓月圆。
歌舞蹁跹花影里，不知今夕是何年。

柳岸听莺

春来人在画中行，两岸花光照眼明。
且泛扁舟桥下过，风穿柳浪送莺声。

玉街寻梦

里巷街衢布局精，倒呈玉字纵连横。
而今旧貌依稀在，风过犹闻市井声。

双祠遗泽

瞻谒双祠意肃然，追思景仰效先贤。
心怀爱敬敦和睦，继述宗风世代传。

双龙抱珠

两水环流抱古村，芳洲难觅旧时痕。
江涛日夜声声唤，重振文明待后昆。

春日偕雅典娜、大爱无言诸君重游瑶里

千年古道阅沧桑，漫步林间沐夕阳。

落叶铺阶人迹杳，春风频送野花香。

花影婆娑掩竹楼，清辉如水涤尘忧。

春宵借宿春山畔，槛外溪声入梦流。

甲午秋日作客曹君山居

深山访友趁清秋，云淡风轻景物幽。

闲话桑麻杯共举，田园佳趣乐悠游。

驱车山径沐清风，稻浪翻金野柿红。

莫负主人多雅意，霜晴再约赏丹枫。

丙申仲夏偕友人访万寿寺

竹树青葱曲径斜，禅林风物自清嘉。

山僧汲得山泉水，闲话浮生品野茶。

红葩翠叶映清波，寺外初开半亩荷。

最爱微风池畔过，芳姿轻漾影婆娑。

摩崖巨石屹溪间，古木苍烟忆昔贤。

我辈瞻临多感喟，风流文采已如烟。

四面青峰耸碧莲，寺名万寿历千年。

山门故垒今犹在，香火何时续旧缘？

进坑踏青三首

如是书院

空蒙薄雾漫林峦，溪涧村头泻碧湍。
如是幽居如是乐，读书品茗足清欢。

进坑古村

野溪春水日潺湲，石径犹存印辙痕。
山麓依稀窑址在，进坑自古是陶源。

陌上踏青

黄花缀锦鸟欢歌，栈道逶迤转绿莎。
待到晚风消暑日，亭中把酒赏清荷。

清秋鹅湖西坞雅集

浮梁风物最宜秋，暇日驱车携侣游。
稻浪翻金风沁爽，凭轩品茗乐悠悠。

门前秋水映晴晖，窗外青山掩翠微。
西坞欣开长桌宴，佳肴美酒醉忘归。

良辰西坞聚群贤，谈笑风生兴盎然。
为谢主人多雅意，挥毫满纸起云烟。

波光潋滟映回廊，四壁琳琅翰墨芳。
待到寒冬风雪夜，围炉把酒话沧桑。

上巳日偕明柳、陈平君游玉田湖

玉田携侣更重游，一棹扁舟烟浪浮。
暂作忘机尘外客，山花野鸟助吟讴。

短艇浮烟逐水滨，尘嚣暂避作闲人。
桃花岛上春将暮，也学渔郎试问津。

云影波光染夕晖，轻舟容与软风微。
湖天寥廓谁为伴？遥看汀前一鹭飞。

万物欣欣善得时，春风坐对酒盈卮。
良辰且莫伤迟暮，管领湖山好赋诗。

欲向芳洲觅芷蘅，汀边谁识旧鸥盟。
江湖处处商潮涌，何处沧浪可濯缨？

生辰莫放等闲过，岁月匆匆去似梭。
平日品茶今品酒，开怀一笑醉颜酡。

茂林修竹绽新枝，映带清流似昔时。
修禊而今成绝响，兰亭千载忆羲之。

流觞曲水已如烟，谁续山阴逸少篇？
今又惠风和畅日，且凭杯酒颂前贤。

湖漾清波峰影柔，夕阳催我棹归舟。
水光山色无相忘，更约来年觅旧游。

秋日偕友人游天保乡皇尚寺遗址

山径萦回榛莽封，香烟经诵已无踪。
石门犹立池犹冽，修竹千竿翠影浓。

题桃墅十景（选三）

廊桥花影

廊桥横跨枕清流，风拂长堤花影柔。
最爱炎天听蛙鼓，荷香隐隐漫平畴。

白蛇腾雾

横亘南天亿万年，朝迎旭日暮凝烟。
悲欢阅尽尘寰事，倩取诗人入锦笺。

平桥踏雪

四面青峰锁翠微，江天万里絮纷飞。
平桥踏过琼瑶碎，折得梅花带雪归。

高岭寻幽

水口亭

廊碑漫漶藓痕青，老树浓荫掩古亭。
石碓千秋春岁月，沧桑几度晚霞明。

龙井

蹊径穿云渐入幽，林间谁辟一清湫？
块然独坐忘今古，且掬寒泉洗醉眸。

金鸡石

昂头振翅叫天阍，夕沐晴霞朝沐暎。
今日神州思俊杰，中宵起舞待刘琨。

尾砂堆

尾砂叠叠与云齐，万漉千淘出上溪。
遥望青山浮白雪，斜阳冉冉暮云低。

东埠街

当年舸舰绕江村，北岸依稀古埠存。
昔日繁华无处觅，檐边双燕语黄昏。

咏浮梁宝积禅寺

大雄宝殿

殿阁巍峨耸翠岗，庄严宝相拥祥光。
共瞻三宝清凉地，法喜盈心宠辱忘。

碑亭

阶前斑驳藓痕青，日伴祥云夜伴星。
碑历春秋凝古韵，亭遮风雨护贞铭。

钟鼓楼

暮鼓晨钟余韵深，人间净土在丛林。
声传霄壤三千界，法启慈悲亿万心。

山门

龙山蔚秀碧千寻，昌水流蓝佛泽深。
梵呗清心醒尘梦，祥云缭绕护禅林。

三贤堂

堂上三贤不世材，机锋斗智乐追陪。
门前双柏交柯日，伫盼当年佛子回。

祖师殿

开山传法建丰功，历尽艰辛志未穷。
三代祖师弘大愿，十方弟子仰高风。

五观堂

鱼梆声里入斋堂，淡饭粗茶禅味长。
惜福当知农作苦，五观常念菜根香。

拔木井

千秋佳话颂丛林，佛法无边感至深。
古井通灵曾拔木，清波澄影可宁心。

竹林精舍

千竿修竹碧森森，梵乐悠扬送妙音。
法雨长滋登觉岸，禅风时沐息尘心。

藏经阁

千秋宝积历沧桑，今日欣看佛运昌。
海阔山高觉途远，经书万卷作梯航。

禅 堂

花开五叶遍寰中，共仰先师面壁功。
禅道灵犀通妙旨，云门古曲振宗风。

观音殿

慈航普度发仁心，莲座常开播德音。
法眼四时观世相，杨枝三界洒甘霖。

客 堂

堂迎信众共参禅，觉岸同登结善缘。
身处清凉方外地，尘烦涤尽得心传。

文殊殿

曼殊妙法广流传，智德圆通达梵天。
狮吼声声惊幻梦，手持慧剑斩尘缘。

普贤殿

发心宏愿启灵犀，法雨常施觉众迷。
理定双修成大德，解行并进证菩提。

地藏殿

栖身秽土欲何求？拯溺扶危法作舟。
矢志发心空地獄，众生度尽愿方酬。

宝积殿

庄严宝相坐禅堂，妙谛常参柏子香。
天雨地生多积宝，菩提正道启慈航。

药师佛殿

药师妙术世称奇，延寿消灾解厄危。
宏愿东方居净土，琉璃世界沐慈悲。

天王殿

莲台趺坐远尘嚣，笑口常开百虑消。
赖有天王勤护法，四时雨顺更风调。

僧寮

莲香暗沁境幽深，不受尘埃半点侵。
翠竹摇风筛月影，经声梵呗静禅心。

为《瑶里风光》题照

南山飞瀑

百丈苍崖素练悬，喷珠溅雪袅晴烟。
玉潭波漾幽篁影，风送龙吟震九天。

芳菲若霞

松筠掩映翠交加，满院芳菲灿若霞。
篱落深深闻犬吠，春光长驻野人家。

园田雨霁

雨后岚光绕绿茵，新秧满畝绣芳茵。
恍如误入桃源路，也学渔郎试问津。

古巷斜阳

参差间巷沐斜阳，古道蜿蜒向远方。
白发村翁磐石坐，轻摇蒲扇忆沧桑。

陌上春早

茅舍参差绿树隈，秧针织翠镜奁开。
驱牛垄上耕春去，不待声声布谷催。

山乡春晓

园蔬汀树映朝曦，青霭氤氲绕古村。
几处鸡声闻巷陌，田家三月少闲人。

古刹寻踪

残垣圯井已难寻，石壁苔痕雨雪侵。
香火烟消钟磬寂，但凭故垒觅禅林。

题余银泉先生所摄浮梁田园风光照

峰影云光映碧流，扁舟轻泛桨声柔。
松篁翠掩幽岩静，恍入桃源梦里游。

叠岭参差翠欲流，菜花铺锦漫春畴。
芳菲尽日开无主，醉入山村梦亦幽。

群峦叠翠抱山乡，桃李花开掩粉墙。

三月春晨初雨霁，茫茫云海漫峰冈。

斜阳冉冉嵌峰巅，阡陌溪桥笼紫烟。

一叶渔舟霞照里，轻篙点破水中天。

桃花临水竞芳妍，风静波平塔影悬。

远岭无心云出岫，子规催我早归田。

浮梁历史文化研究会成立十周年感赋

浮梁历史文化研究会已成立十周年，《浮梁历史文化》也已创刊十周年了。自创立、创刊伊始，余一直参与其事，采风研讨，撰稿审稿，获益良多。回顾十年往事，亦感慨良多。爰赋小诗一组抒怀，兼以致贺。

一

浮梁毓秀钟灵地，绿水青山育隽才。
千载文风甲江右，开来继往待吾侪。

二

遥忆当年树旆旌，风云际会聚群英。
十年磨就青霜剑，熠熠龙光耀眼明。

注：龙光，宝剑光芒。王勃《滕王阁序》：“物华天宝，龙光射牛斗之墟。”

三

千秋遗史费钩沉，辑轶寻踪历苦辛。
十载耕耘盈硕果，浮梁文脉喜传薪。

四

溯古寻源共采风，切磋研讨兴无穷。
求真长葆初心在，不写文章一字空。

五

久与浮梁缔夙缘，潜心志乘慕前贤。
求知幸遇多同道，砥砺前行共探研。

六

难负殷殷桑梓情，唯将笔墨诉心声。
且凭文字存鸿爪，一任寒窗岁月更。

七

十载艰辛共励耘，不教邑史掩风尘。
煌煌卅册凝心血，赓续弘扬待后人。

八

扬帆学海探骊珠，历尽风涛志不渝。
一寸丹心系桑梓，孜孜求索作前驱。



浮梁毓秀钟灵地，绿水青山育隼才。

千载文风甲江右，开来继往待吾侪。

遥忆当年树旆旌，风云际会聚群英。

十年磨就青霜剑，熠熠龙光耀眼明。

——韩晓光《浮梁历史文化研究会成立
十周年感赋》



迤邐峰峦列翠屏，昌江宛转绕芳汀。

阑珊花事休嗟叹，欣看连阡菜荚青。


陌上风柔燕影斜，妇姑相唤采春茶。

一泓溪水山边过，映出缤纷两岸花。

多谢东君着意裁，山乡处处画图开。

平生自有园田癖，散策何需布谷催。

——韩晓光《暮春偕友人游浮梁山村》



韩晓光诗词 【绝句】

◇ 【律诗】

◇ 【词曲】

◇ 【楹联】

重访塔里古村品茗感怀

新春塔里又重游，雨霁云开峰影柔。
两腋生风忘舍得，一杯在手任沉浮。
啾啁禽语催诗思，荡漾泉流涤杞忧。
识得山中滋味好，心清意惬复何求？

壬寅新春芳郊散策

芳郊散策又春初，彳亍长堤意宴如。
菜蕊方抽随蝶舞，柳芽欲绽待风梳。
情依汀畔鸥翔集，思共峰头云卷舒。
但得溪山长伴我，休将心事付华胥。

金秋玉田雅集感赋

秋日于玉泉渔村赴胡杨君相邀雅集，归来匆匆吟成俚句四韵，以就教于诸师友。

荷塘堤畔敞华筵，携侣金秋聚玉田。
把酒风前观跃鲤，催诗池上听鸣蝉。
座中雅客分吟韵，槛外轻云作锦笺。
待看荧屏今夜里，清音联咏续前缘。

壬寅立春日应友人约赴南田坞迎春雅集

欣邀众友人，南坞共迎春。
霁色浮清涧，岚光绕翠筠。
开门鸣爆竹，纳吉趁良辰。
更约元宵夜，花间赏月轮。

游王港乡仁旺绿色山庄

秀峰浮翠霭，曲水抱山村。

岁稔鸡豚足，林幽鸟雀喧。

松轩邀夜月，竹阁沐朝曦。

吟啸忘今古，开怀酒一樽。



翠岭岚浮，陂塘风弱，踏青路上烟光薄。

菜花成荚蝶纷飞，衔泥燕掠垂杨陌。

古道徐行，新茶共淪，采芳肯负溪山约？

声声禽语似催诗，归来且赋园田乐。

——韩晓光《踏莎行·偕浮梁诗友江村采风行》



落叶铺阶识旧身，秋山风物最宜人。

倦行小憩溪间石，且漱清泉濯俗尘。

空山古道少人行，一路清溪相送迎。

莫道登攀无止境，虔诚可望有前程。

——韩晓光《秋日偕友人重攀前程古道》



韩晓光诗词 【绝句】

◇ 【律诗】

◇ 【词曲】

◇ 【楹联】

踏莎行·辛丑暮春南田坞赏藤花

再约良朋，欣逢佳日，南田雅集情怀惬。休
嗟桃李谢东风，藤花依旧飘如雪。

共品清茶，莫听鸚鵡，酒酣辞赋翻新阕。人
生得意且高歌，三春肯负芳菲节？

踏莎行·辛丑上巳灵岩雅集

翠木千章，清溪一曲，灵岩雅集同修禊。泉
声隐隐伴琴声，尘怀涤净心如洗。

不负佳期，欣邀吟侣，风流遥会兰亭意。胸
中锦句待推敲，归途恰遇催诗雨。

踏莎行·元旦偕友人重游桃墅古村

新岁初临，云空渐朗，重游桃墅微风爽。溪
边漫步品诗图，山亭纵览千层嶂。

知友偕行，芳华共赏，徜徉乡野心神旷。浮
生难得是清欢，开怀暂把尘忧忘。

踏莎行·偕浮梁诗友江村采风行

翠岭岚浮，陂塘风弱，踏青路上烟光薄。菜
花成荚蝶纷飞，衔泥燕掠垂杨陌。

古道徐行，新茶共淪，采芳肯负溪山约？声
声禽语似催诗，归来且赋园田乐。

踏莎行·泛舟玉田湖

且趁骄阳，更邀佳侣，行吟肯把良辰负？轻
舟直驶碾清波，碾成翡翠舟边舞。

湖面风柔，汀前鸥聚，仰看碧宇云飘絮。囊
中收尽好诗材，归来敲作闲情句。

踏莎行·与友人相约游春

雀语呼晴，杨枝吐翠，春风染绿昌江水。东
君唤醒百花开，梁间燕子巢新垒。

邺水联吟，兰亭佳会，风流遗韵堪回味。谁
人相约去寻芳，昨宵早备游山屐。

踏莎行·除夕前日雪霁 偕友人登虎头岗踏雪寻诗

碾雪冲寒，迎风拨雾，虎头岗上寻诗去。道
遥恍若入琳宫，此中妙趣君知否？

不拟搓盐，不言舞絮，一心欲觅新奇句，可
堪枯窘乏灵思，依然重蹈邯郸步。

踏莎行·应邀偕诗友赴湘湖采风

晚稻铺金，野芳盈路，采风佳日邀吟侣。曹
家畝里忆沧桑，恍然忘却身何处。

思共云飘，心随风舞，赏秋一任斜阳暮。青
山踏遍兴悠悠，归来共把新词赋。

踏莎行·探访浮梁磻溪古村

篱绽黄花，池环翠筱，清溪一曲村边绕。粉
墙掩映绿荫中，四围青嶂轻岚渺。

苔漫荒墀，烟迷古道，繁华梦断情难了。乡
园重振待吾侪，磻溪今日呈新貌。

踏莎行·壬寅上巳田源居雅集

才过春分，又逢上巳，踏青换著寻芳履。山房修禊聚诗朋，风流遥继兰亭会。

竹影摇岚，湖波叠翠，赏花品茗清欢味。虽无曲水可流觞，悠扬琴韵催吟思。

沁园春·游盘溪村

万里云开，日暖风平，兴自悠悠。趁轻车良侣，清歌携酒，岁余暇日，胜地欣游。幽壑岚生，横桥影静，清浅山溪自北流。林深处，望寒禽度影，黄叶飘秋。

何须楼上凝愁。且山水流连销万忧。想东篱五柳，菊催酒醒；西湖六一，莲沁香幽。堪羨陶朱，古今达者，烟水五湖垂钓钩。春风夜，携良朋三五，共泛扁舟。

采桑子·浮东山乡秋行

楚冈

楚冈深处秋光好，山绕梯田，枳引清泉，屋舍参差石径旋。

披襟纵目情怀惬，远岭排鬟，近树浮烟，身在桃源不羡仙。

桃岭

一年两度游桃岭，前值春暄，后值秋妍，几树霜枫绽醉颜。

村边久驻难离去，篱畔流连，井畔盘桓，早与林泉订夙缘。

鹅湖

驱车薄暮鹅湖道，落日熔金，稻浪翻金，暖暖炊烟漫远岑。

乡间秋韵浑如醉，风也轻吟，溪也低吟，宛转幽禽送好音。



一湾碧水绕汀洲，花木葱茏风物幽。
了却纷纭身外事，暂栖蓬岛侣闲鸥。

——韩晓光《源港古村新十景·蓬岛仙居》



群友相邀值晚春，山乡风物最宜人。

穷通得失浑忘却，赢得浮生自在身。

——韩晓光《暮春三月，群友相邀重游

昌江源头·归来感赋》



韩晓光诗词 【绝句】

◇ 【律诗】

◇ 【词曲】

◇ 【楹联】

为塔里天祥茶号拟联

云里雾里，缕缕茶香飘故里；
风中雨中，时时诗意酿心中。

为友人南田坞别业拟嵌名联

南坞可寄闲情，花前欣把盏；
田园宜寻幽趣，月下静听蛩。

为瑶河新建廊桥题联

廊飘云影 亭映岚光 屋舍半浮烟霭外；
桥卧清流 村环翠岭 游人宛在画图中。

古号陶源 今称胜览 水碓声声春千年瓷韵；
南腾象岭 北踞狮冈 熏风阵阵送百里茶香。

为古村严台题联

村外大牌坊

严溪抱村落 泽润茶香飘万里；
台石枕汀洲 缅思士节颂千秋。

村口栅门

桥堍岚浮 朝野咸称庆云术；
钓台影静 古今同仰子陵风。

江庆云故居

桥号庆云 志系岐黄称妙手；
名闻杏苑 心存桑梓隐乡关。

为进坑如是书院拟联

廊映溪光 槛迎峰色；
窗摇竹影 室蕴书香。

为外蒋村牌楼拟联

古刹钟灵，摩崖焕彩，犹见前贤遗韵；
丹心映日，众志凌云，共谋盛世鸿猷。

注：摩崖指宋代金君卿、王仲舒、臧浑等名宦所题镌的文字。

为桃墅三溪亭题联

三溪影映千秋月；
四季茶飘万里香。

为礐溪水口亭题联

云木千章环岭秀；
清溪一曲抱村流。

为锄月山庄题联

锄月耕云，蒔花艺果；
观风听雨，冶性陶情。

为储田乡陶正先生田源居题联

山房大门

情系田园，遥思靖节千年逸韵；
心存家国，广聚风云四海嘉宾。

迎宾楼（嵌名）

陶性冶情，瓷乡寻梦；
正心诚意，艺海探骊。

望湖亭

静看丛篁筛月影；
闲听岸柳啭莺声。

品荷轩

山色空蒙，荷风频送爽；
禽声睨睨，好雨正催诗。

后 记

今年春节期间的一次聚会中，我与范希贤书记闲聊。聊着聊着，不知不觉间聊起了浮梁与诗歌的话题。兴至浓时，范书记提议与我合作编撰一本吟咏浮梁的诗词合集。我当时欣然同意，并表示愿意承担具体的文案编辑工作。我想，这也许是我俩心中一个共同的心愿吧。

之所以说是共同的心愿，是因为范书记和我都与浮梁这方热土结下了不解之缘。范书记出生于浮梁，成长于浮梁，求学于浮梁，任职于浮梁。他对浮梁的山水田园、父老乡亲深深怀着一种难以割舍的亲情。这种亲情不仅已经渗透在他的血液与骨髓之中，同时也尽情地流溢于他诗歌的字里行间。而对于我来说，也早已在心中把浮梁看作自己的第二故乡了。青年时期，初中刚毕业的我，作为一名知青下放农村，在浮梁乡间劳作、生活了整整七个春秋。这七年的乡村生活虽历尽艰辛，但却在我内心深处凝成了一种难以化解的乡园情结。不知不觉间，我已深深地爱上了浮梁这方美丽的家园。回城四十多年来，我常常去浮梁

乡村走走看看，足迹几乎踏遍了浮梁的乡村园田。在行走的过程中，也写下了数百首吟咏浮梁山水风情的诗篇。

或许隐隐中有某种因缘存在吧。两个热爱浮梁、热爱诗歌的人走到了一起，相约以诗歌为载体来倾诉内心深处共同的桑梓情思。我相信，这种缘分是值得珍惜的。

收在这本集子中的诗词作品在艺术层面上还显得很稚拙，有待于我们今后去进一步努力学习与提升。我们将这本诗集付梓的目的的一方面是想表达我们对浮梁故土的热爱与眷恋之情，另一方面也希望借此能让更多的人了解浮梁，关注浮梁，爱上浮梁。大家凝心聚力，共同谱写当代浮梁更新更美的诗篇。

此书的出版得到了中共浮梁县委程新宇书记等领导的热情鼓励与大力支持，得到了浮梁许多同仁的关心与帮助。在此谨一并表达我们衷心的感谢。

韩晓光

2022年4月于品竹轩



购买好书敬请关注



新书资讯敬请关注

发行热线 0791-86895108

上架建议：诗歌

ISBN 978-7-5500-2137-2



9 787550 021372 >

定价：52.00元

